



MULTILINGUALISMO TA UN RIKESA



MULTILINGUALISMO ta un necesidad y un oportunidad cu nos comunidad ta brinda cu

lo mester tin su reflejo tambe den scol. Un idioma ta manera un yabi cu ta habri bo posibi-

lidad pa por comunica y asina desaroya bo mes. Proyecto Scol Multilingual ta un proyecto

caminda nos scolnan multilingual ta ofrece e idiomaan Papiamentu, Hulandes, Ingles y Spaño desde cu e alumno drenta scol preparatorio (kleuter) te final di scol basico.

A cuminsa ofrece e programa multilingual den dos scol piloto preparatorio, Trupial Kleuterschool y Colegio Conrado Coronel, desde augustus 2009. Desde augustus 2012 a sigui introduci e programa multi-

lingual den klas 1 di dos scol piloto basico: Colegio San Jose y Colegio Conrado Coronel. Gradualmente lo sigui introduci e programa multilingual den e proximo añanan escolar den klas 2, 3, 4 y 5 te ora yega klas 6 na aña 2017-2018.

Diahuebs na Biblioteca Nacional, Proyecto Scol Multilingual a celebra un momento historico: alfabetisacion, sifia lesa y skirbi na Papiamentu.

Your address for the best software and support.

VCC
International NV

- ✓ Accounting Software
- ✓ Payroll Software
- ✓ Document Management
- ✓ HRM / CRM Software

AM-Files **Exact** **CompuLink** **CompuLink**

Tel.: 583-7072 | info@vcc-int.com | www.vcc-int.com

Pickup a dal riba accident na Jaburibari



Diabierna mainta riba caminda di Jaburibari altura di Parke di Curason un accidente a sosode unda un pickup a dal contra un Hyundai accent pa despues e pickup basha un muraya di beton di Jaburibari Residence. Polis di trafico a yega di biaha na e sitio y a constata cu e Hyundai accent a para pa bay lora na su man robes pa dreña Moko pero e pickup s-10 biniendo basta duro for di pazuid no por a regula su velocidad y asina a bay den banda contrario pa pasa e accent net momento cu esaki ta bay lora y



a dal den otro y basha e muraya cu tin pa dreña e residencia di Jaburibari. E persona den

e accent a resulta leve herida cu dolor na curpa y ta unda a solicita ambulance pa controle.

Chauffeur pa no dal riba auto cu a sali su dilanti a basha cura di cas abou



Riba caminda di Tanki Leendert dilanti di ex Wan Boy un auto a basha un cura di cas abou y bay para den e veranda di biaha Polis di trafico a yega na e sitio. Nan a combersa cu e chauffeur cu tabata spanta y no tabatin ribewijs a declara na autoridad cu e tabata biniendo for di zuid

pa direccion noord y un auto a sali diripiente riba dje for di e parkinglot di e supermarket pabou di caminda y a pone perde control basha un cura di cas pariba di caminda y bay pega den e veranda. E auto a kibra por completo. E auto cu a sali su dilanti ta keda desconoci.

Adopcion Spiritual di un yiu cu ta bai nace

Pastoor Stanislaw ta invita tur esunnan cu a promete, pa haci oracion pa un yiu, cu tin peliger di bida den barica di su mama, pa un S.S. di Misa. E yiu cu boso a adopta spiritualmente ta bay cumpli 4 luna den barica di su mama. Luga: Pro Catedral San Francisco,

dia: 22-6-2013, ora: 7:00 pm. Pa medio di Adopcion Spiritual herida nan interno causa pa e pica di aborto, ta keda sana. E ta permiti mamanan cu a haci esaki recupera nan fe den Misericordia Divino y haya pas den nan curason.

Segun MEP; Ex-campañador nan y ex-sostenedor nan di Mervin Wyatt Ras ta pidi pa e entrega su asiento bek

Mervin entrega bo asiento a base di principionan di moralidad y etica

Un grupo grandi di ex-campañador nan y ex-sostenedor nan di Mervin Wyatt-Ras a firma un carta y entrega na lider di MEP den cual nan ta expresa nan disgusto cu e paso cu nan candidata Mervin Wyatt-Ras a tuma di bai uni na e partido berde, cu nan votonan. Nan a expresa cu den eleccion 2009 nan a traha fuertemente pa saca Mervin padilanti a campaña di dia y di nochi, y danki na nan empeño, Mervin a logra saca 703 votos. Nan desapunto tabata masha

grandi dia cu Mervin a dicidi riba su mes pa sali di partido MEP, sin cu el'a consulta cu nan prome. Na mas di un ocasion nan a acerca e lider di partido cu e peticion pa no cera porta pa Mervin.

No obstante cu Mervin tabata insulta lider na mal forma den prensa y den parlamento, nan a aprecia cu semper lider a tene e porta habri pa Mervin bolbe back MEP y cu e lider a sostene nan esfuersonan pa trece Mervin bek. Pero nan tabata en-

vano, debi cu Mervin no tabata interesa di bolbe MEP. Nan a expresa di ta masha disgusta cu Mervin awor a dicidi di subi lista di e partido berde, anto e ta uza nan votonan pa regala nan na e partido berde.

Nan a desconsehe pa hacie saki, pero asina mes, el'a dicidi riba su mes pa subi e lista ey toch. AVP ta broma awor cu nan tin 13 asiento, y esey no ta husto pasobra e di 13 asiento ey ta di esunnan cu a vota pa Mervin,

y nan no a autorisa e asiento ey pa bai pa AVP. Nan a bisa cu nan ta sinti nan mes traiciona pa Mervin, y cu Mervin a abusa di nan. Finalmente nan a pidi e lider pa exige di Mervin pa entrega e asiento bek na partido MEP. Talves no tin un regla legal pa e peticion aki, pero nan ta hende drechi y nan ta kere cu ETICA y MORALIDAD ta pone cu Mervin no por keda cu e asiento. Nan ta convenci cu Mervin lo realisa y lo entrega e asiento bek na partido, segun

e carta di e ex-campañador nan di Mervin Wyatt-Ras. Den un entrevista lider di MEP a duna di conoce cu e ta compronde e sentimentonan di e grupo aki, y e ta haya nan peticion husto. Sinembargo el'a duna di conoce cu legalmente no por exige di un parlamentario di duna e asiento bek. Reglanan di moralidad y etica ta normanan cu bo ta sifia na cas, y sea bo tin nan of bo no tin nan. Ta na sra. Mervin Wyatt-Ras pa demostra si e tin moral y etica.

E hospital "number un" di Merca ta interesa den colaboracion cu Aruba

Johns Hopkins International a reuni cu Minister dr. Richard Visser

Managing Director di Johns Hopkins International, Irma Purish tabata na Aruba e siman aki pa reuni cu Minister di Salud Publico y Deporte Dr. Richard Visser, kende a splica cu den e siguiente lunanan lo sigui mas reunion pa discuti establecimiento di colaboracion cu e institucion medico mas reconoci di Merca. Johns Hopkins ta e unico hospital cu a wordo nombra "number un" na Merca pa 21 aña pa U.S. News and World Report y locual Johns Hopkins International ta haci ta hiba e mision di Johns Hopkins pa exterior. El'a observa cu e combersacion cu Minister Visser a bay hopi bon y a conclui cu Aruba ta haciendo hopi cos progresivo den e ramo di salubridad.

Purish a splica cu el'a intro-duc i

Minister Visser na e servicio- nan di e institucion, cual ta activo rond mundo cu diferente tipo di colaboracion y ta traha cu hospitalnan, sistemanan di salubridad, como tambe gobiernonan. Den algun caso Johns Hopkins International ta asisti cu factornan mas simpel den e rol di consehero y tambe pa cu enseñansa, cual ta inclui asisti un hospital mehora su cuidu, haci e hospital un luga mas sigur, asisti cu investigacion of yuda establece un specialisacion nobo na e pais. Minister Richard

Visser ta splica cu e bishita aki a bin riba peticion di e oncologo di Corsou, dr.

Bob Pinedo, kende ta reconoci pa su trabao rond mundo y ta colaborando cu Aruba tambe. Minister Visser a bisa cu durante e combersacion cu Purish a discuti diferente proyecto, algun cu tin potencial pa colaboracion cu Johns Hopkins. Entre otro a papia di IMSAN, PACO y obesidad y e renobacion y expansion di dr. Horacio O. Oduber Hospitaal. Minister Visser a subraya cu Johns Hopkins International ta interesa den Aruba y den e lunanan cu ta bin lo elabora riba e reunion aki, discuti puntonan concreto y proyectonan cu por beneficia Aruba, nos dokternan y nos specialistanan pa yega na

un situacion win-win cu e institucion prestigioso aki. "Nos tin basta tempo trahando riba esaki, nan a bin te aki pare un cu nos, nan ta interesa," Minister Visser a conclui bisando.

CEMEDAR Sports Medicine ubica awor den e edificio di IBISA

Despues di algun luna cu e edificio di IBISA a culmina e trabounan di renobacion, CEMEDAR por a cuminsa muda pa ubica diferente consultorio. E atletanan ya a cuminsa haya servicio den e instalacionnan aki. E instalacionnan ta consisti di un consulta medico, consulta fisioterapia, nutricion y sesionan di masaje deportivo segun indicacionnan di e mediconan cu ta traha hunto cu Cemedar Sports Medicine. Profesionalnan ta trahando tur dia pa brinda e mihor servicio posible na nos atletanan. Notable ta cu actualmente CEMEDAR ta sincronizando nan servicio hunto cu e federacionnan deportivo debidamente organisa y cu por respalda e rendimiento di e atleta a base di un plan. Tin diferente obhetivo relaciona cu e prevencion y rehabilitacion p'e atleta por yega te n'e competencia di un forma optimal y por duna e mihor resultado.

E lo ta mucho mas beneficioso ya cu e follow up di e atleta a bira mas personalisa, integral y consecutivo. Despues di e medaya di plata conquistada p'e atleta Kamilah Dammers, CEMEDAR Sports Medicine a haci areglonan pa Kamilah por disfruta di ta un di e prome atletanan cu lo estrena e area pa Sports Massage den man di e especialista, Winston Ras. Den palabranan di Kamilah mes kende inmediatamente despues di a obtene su medaya di

plata recientemente durante di e Campeonato di CONCECABOL, unda el'a manda un mensahe riba su red social Facebook gradiciendo e personal di Cemedar: "...Thanks to Cemedar who provided me with massages, sports psychologists and therapy"... E resultadonan obteni ta papia pa nan mes di e trabou cu CEMEDAR Sports Medicine ta realizando y lo sigui haci danki n'e vision di Minister di Salubridad Publico y Deporte, dr. Richard Visser, kende a inicia cu a proyecto aki.

Awor nos atletanan local por disfruta di un cuidu medico profesional cual lo mester yuda hiba cada un n'e otro nivel. E federacionnan por mira CEMEDAR Sports Medicine como un herment of tool pa logra nan obhetivonan cerca e atleta. Den e prome fase aki lo keda un reto pa sincronisa y cumpli cada un nan parti. E entrenadornan, comision tecnico di COA, e director, e especialistanan, e coordinador di logistica di Cemedar te hasta e atleta mes hunto cu su mayornan p'e disposicion cumpliendo na ora di e citanan. CEMEDAR Sports Medicine, situa den Frankrijkstraat #1 den e edificio nobo di IBISA, den e prome fase lo keda focus riba e federacionnan deportivo organisa a base di nan plan pa por ofrece un rutina di cuidu cu resultadonan positivo. Pabien CEMEDAR pa boso lugar nobo na IBISA!!





Un otro "Bon Trabou" bisto pa tur hende

Minister Mike de Meza ta expresa elogio pa renobacion y ampliacion di e edificio di Corte

DIAHUEBS mainta a tuma luga e firmamento di dos contract na edificio di Corte, cual ta completa e trabaonan cu a wordo haci na e edificio historico den centro di Oranjestad. Minister di Finansa, Comunicacion, Utilidad y Energia, Ing. Mike de Meza a firma e contractnan pa e proyectonan cu a wordo financia pa FDA, hunto cu Minister di Husticia y Enseñansa, mr. Drs. Arthur Dowers den presencia di Minister di Salubridad y Deporte dr. Richard Visser. E contractnan ta encera un inversion di Afl. 1.3 miyon den e sistema di siguridad, cual ta wordo efectua pa Croon Caribe y un inversion di Afl. 2.4 miyon pa e decoracion y mueblenan, cual ta na encargo di Office Systems.

Minister De Meza a expresa elogio pa e trabao excelente cu a wordo haci pa Van Kessel Construction bao di guia di Monumentenbureau cu asistencia di Monumentenfonds. "Mi ta sinti mi hopi orguyoso di ta parti di e gobierno cu a bin ta rescata infraestructura den su totalidad na Aruba, Minister Mike de Meza a bisa, gradiciendo tur e gruponan di interes, o sea stakeholders, cu a participa sea directamente of indirectamente como sub contratista

na e proyecto. E mandatario a comenta cu e tin un apreccio grandi pa su coleganan, mencionando den e caso aki specialmente Minister Dowers como esun encarga cu husticia; Minister Benny Sevinger, como e arkitecto di e gobierno pa cu tur proyecto di infraestructura y el a subraya e liderazgo di Minister Presidente Mike Eman.

"Nos tur ta un team," Minister De Meza a bisa enfaticamente, añadiendo "Asina so bo por haci'e. Ora bo traha cu un team bo ta haci trabaonan grandi manera nos a bin ta haciendo." Minister De Meza a bisa cu orguyo, cu e expansion y renobacion, awe nos Corte ta wordo eleva pa e nivel cu e mester ta, un nivel respetabel. El a splica cu Minister Dowers a elabora tocante e mal estado cu e edificio di Corte tabata aden anteriormente, unda cu hasta ladroncia tabata tuma luga for di pafo y awo esaki ya no ta posibel mas cu e siguridad cu a wordo adapta y modernisa pa asina garantisar e integridad di e institucion importante aki. Asina e gobierno actual, segun Minister De Meza, ta bin cu solucionnan structural pa problemanan cu structuralmente a existi pa hopi aña na Pais Aruba.

Presidente di Parlamento:

Parlamento tin diferente reunion pendiente ainda prome cu reces

PRESIDENTE di Parlamento Paul Croes a splica cu tin diferente trabou cu mester keda finalisa prome cu dia 15 di juli ya cu Parlamento ta baha cu reces. Ta trata aki di diferente ley cu mester wordo trata y tur parlamentario y personal a

ricibi un carta di notificacion pa tene cuenta cu e fecha aki. Leynan ta entre otro e presupuesto di Parlamento, e presupuesto di Alegemene Rekenkamer Aruba y e presupuesto di Raad van Advies, tambe mester pasa ainda riba e presupuesto di


DOW y un landsverordening di Banco Central.

Adrenta un ley tambe encuan to un toeristenheffing, cu ta un mileu belasting pa yuda gobierno haya mas entrada. E ley aki mester bai comision central ainda. Den un luna di tempo

lo trata di convoca e reunion publico encuan to Valero y e samenwerking protocol paso esaki nan lo ta bon pa nan ta trata mas liher posibel.

Pa lora ta e presupuesto di 2014, esaki su deadline ta September

2013 pues Parnamentario Paul croes ta spera cu esaki lo sosode na tempo. E ta bai reuni cu diferente minister riba esaki y unabes e tin mas informacion e lo participa esaki na e comunidad, pero e meta ta pa prome cu fin di anja e keda cla.



Departamento di Progreso Laboral seccion Arbeidsbemiddeling en Re-integratie Vacature melding ta anuncia e siguiente vacaturanan:

14 juni 1/ta 20 juni 2013

Si bo persona ta interesa pa solicita, pasa libremente na Departamento di Progreso Laboral cu ta situa na Seroe Blanco # 4 of Pos Chiquito # 100-A na Telefoon: 521 5555

Mester presenta cu bo Cedula of Uittreksel di Bevolkingsregister (Afl. 5,00) compana pa un identificacion cu potret, CV, diploma, certificadonan

y carta di recomendacion di Doño di trabao.

Interesadonan por pasa registra 7.30 di mainta. Momento di presenta na DPL zorg pa un vestuario adecuado, si acaso bo persona ricibi un cita di blaha pa un entrevista.

N.R.	COMPANIA	FUNCION	N.R.	COMPANIA	FUNCION
485	The Heaven's Hairstudio	Kapper	472	El Tumi Multiservices NV	Makelaar
486	A.L.O. Construction & Cleaning NV	Night cleaner	473	Mombas Beach Restaurant	Busgirl
487	Pelican Adventures NV	Sail boat Captain	474	Jim Long Bar - Restaurant	Kok
488	Pelican Nest NV	Schaonmaakster	475	Zheng Garden	Tuinman
489	De Schakel	Schoolleider	476	Donna	Store Manager
490	L.M. Aquavive Technology	Pool Constructie Supervisor	477	Mombas Beach Restaurant	Dishwasher
491	Aluminium Aruba (Alumar) NV	Aluminium technicus	478	Angochi Supermarket	Slager
492	Fast Delivery Serv./UPS Expr.	Diesel Electric Side-Loader Mechanic	479	Yan Yan Bar & Restaurant NV	Kok
493	Fast Delivery Serv./UPS Expr.	Cleaner	480	14-Bis	Keukenhulp
494	Bon Dia Supermarket	Slager	481	Ting Wei Supermarket	Slager
495	Occidental Grand Aruba	Entertainer	482	Shoe Bailoo	Merchandise
496	Privé	Uitwonende dienstbode	483	Marandi	Chief Kok
497	Punto di Ors Dev. Corp. NV	Helper, Constructie	484	Marandi	Waitress
498	Pearle Vision	Opticien			
499	Aluminium Dry-Lug and Hardware	Glasnyder	412	Hooni NV	Machine Operator
500	Maggys	Massuese	413	Springfield Supermarket	Slager helper
501	Hair Factory - Spa	Kapper	414	Captain Security NV	Security guards
502	Sole More	Dishwasher	415	D-shop	Merchandise
503	Sagar II	Purchase Manager	416	S.O.S. Manpower & Consulting Service	Cleaner
504	Paradise Park Apartments	Housekeeping Medewerkster	417	Avi-da Aviation Aruba	Ticket Agent (male)
			418	HBNI Law	Advocaat stagiaire
444	Sefior Frog's Aruba	Discokey	419	Pizza Hut	Server
445	Sefior Frog's Aruba	Busboy/girl	420	Are Solo Jewelry & Repair Shop	Jewelry expert
446	Sefior Frog's Aruba	Cook	421	Antraco Aruba Group	IT person
447	Sefior Frog's Aruba	Restaurant Manager	422	VIP Barbershop	Kapper
448	Grand Imperial Jewelers & Fashion	Horlogemaker	423	Doustar Marine Services	Diesel Heavy Equipment Technician
449	Grand Imperial Jewelers & Fashion	Gemologist	424	Privé	Uitwonende Dienstboden
450	Speed Multi Corp NV	Diesel Monteur	425	Divi & Tamajin Aruba Beach Resorts	Singer/Entertainer
451	Speed Multi Corp NV	Uitdruiker	426	Divi & Tamajin Aruba Beach Resorts	Restaurant Manager
452	Aivers Carwash	Autowasser	427	The Links at Divi Aruba	Superintendent
453	Gin Construction NV	Timmerman	428	The Links at Divi Aruba	Director of Golf School
454	Gin Construction NV	Metselaar	429	Koman General Contractors	Helper, Constructie
455	Gin Construction NV	Stukadoer	434	Garcia Electrical Services	Electricien
456	Gin Construction NV	Schilder	435	S.E. Aruba Fly 'N Dive	Dive instructors
457	SGOS security Guard Services NV	Bewaker	436	Ballet Folklorico Nacional di Aruba	Activities Coordinator
458	Delicious Gourmet	Kok	437	Ballet Folklorico Nacional di Aruba	Dansers
459	Bereton Aruba	Verkoopster	438	Shazing Construction & Services	Electricien
460	Teaco Sasaki Service Center NV	Cashier	439	Slamout Unisex Beauty Salon	Kapsler
461	Tierra del Sol	Golf Course Maintenance person	440	Cortez Construction	Schilder
462	Tierra del Sol	General Maintenance	441	Cortez Construction	Metselaar
463	Best Cleaning	Handyman	442	Unique Sports of Aruba/NV	Dive Master
464	Best Cleaning	Cleaner	443	Hard Rock Café Aruba	Barfender
465	Aruban Garden N.V.	Tuinman			
466	Dijkhoff Pest Services	Pestcontroller	O-90	Rito's Car Rental NV	Sales Representative
467	Diano NV	Drukker	O-100	Mombas Beach	Waiter (on the beach, masculino)
468	Gianni's Restaurant	Dishwasher	O-101	Frasa International Trading	Sales Representative
469	Gianni's Restaurant	Kitchen helper	O-105	Smart Systems	Operator, Alarm System
470	Gianni's Restaurant	Cook		Arubaanse Wegenbouw Maatschappij NV	Electricien Mechanic
471	Gianni's Restaurant	Maintenance man			

AVISO

DUNADOR DI TRABOU

Atencion tur dunador di trabou cu mester di trahador(nan) local urgente: Jobcenter por ofrece bo compania, persona(nan) bon, cu experiencia y cu nivel di educacion apropra pa e funcion(nan) cu bo compania tin mester.

Pa cualkier informacion por tuma contacto libremente cu DPL na 521 5555/521 5511 y nos por duna bo tur informacion cu bo ta desea. Si ta desea por manda mail tambe na alexander.falconi@aruba.gov.aw of pasa personalmente na nos oficina na Seroe Blanco # 4.

FORMULARIO DI VACATUREMELDING:

E formulario di vacaturemelding ta disponibel ariba nos website: www.dpl.aw/documenten/formulieren/vacaturemelding
Of na e receptionista na DPL Seroe Blanco

DPL ta tuma solamente e formulario(nan) mas reciente. No bin cu formulario(nan) bieu paso esaki(nan) lo NO wordo tuma.
TA CONTA SPECIFICAMENTE PA VACATURE MELDING.

Rekesitonan ora di solicita na DPL;

- Bo mester presenta cu un Cedula of un papel di fl.5,- Censo
- Mester acudi entrante 7:45 di mainta na balie di DPL
- Mester ta **adecuadamente/bon bisti** ora di bin solicita na DPL
- Mester por demostra documento (copia) di estudio manera diploma, certificado etc
- DPL ta manda bo persona bay solicita cu un formulario (3 pagina, color blanco dpl, roos dunador di trabou, geel solicitante), e prome pagina **mester wordo yena** pa ambos partido na final di e prome entrevista y wordo entrega bek na DPL, cu tur dos banda (reaccion/ comentario) yena. Dunador di trabou mester percura pa trece esaki bek na DPL
- No presenta cu mucha (nan) of un tercer persona pa registracion na DPL

Tips pa dunadornan di trabou

- Pa entrega un vacatura na DPL bo mester haci un cita prome
- DPL tin un variedad basta amplio di buscadornan di trabou den diferente ramo cu bo compania por tin mester
- Haci uzo di vacaturanan habri (open-vacature) pa jega na personal rapido (yena un formulario na DPL, por mande via fax tambe)
- Solicitantenan cu aserca bo compania sin ningun carta di DPL ta esnan cu a wak bo advertencia den corant prome cu bo a entrega bo vacatura mes na DPL, ora di entrega e vacatura na DPL bo mester entrega un lista di tur e solicitantenan (cu nomber, fam, adres, telefoon) cu a bin solicita cerca bo compania abase di e advertencia di corant. Si acaso ningun persona presenta pa solicita riba bo advertencia di corant, bo mester traha un carta oficial pa asina splica y confirma esaki.
- Solicitantenan cu wordo manda via DPL riba bo vacatura den Jobcenter, ta wordo manda solamente cu un cita na bo compania y tin e **obligacion** di acudi cu e carta/formulario pa ambos partido yena, e dunador di trabou **mester** percura pa e carta aki jega bek DPL, *si acaso e formulario ariba menciona no wordo yena debidamente esaki no lo wordo acepta na DPL.*
- E carta aki mester wordo entrega personalmente na DPL door di e dunador di trabou
- Tur representante mester acudi na DPL cu un **carta di apoderacion** y cada dunador di trabou por wordo representa pa un solo representante!

Pa cualkier informacion adicional of relaciona cu DPL su servicionan pasa libremente na balie of jama 5215555!!!

Corda bishita nos website: [www.dpl](http://www.dpl.aw)

[aw](http://www.dpl.aw)

Orguyoso di traha pa Pais Aruba

Minister Ing. Mike de Meza: "Teamwork" ta e factor mas importante pa hiba un pais padilanti

PARA dilanti e edificio monumental di Corte, cual a wordo completamente renoba, como tambe a conoce un expansion esencial, Minister Ing. Mike de Meza a subraya e importancia

die forma cu e team di Minister y nan respectivo conseheronan a bin ta trahando durante e gobernacion actual. For di 2009 avancen un importante pa bienestar general a bin ta

tumando luga. E gobernacion actual a pone enfasis riba e ser humano y su desaroyo, teniendo na cuenta tur otro faceta di Pais Aruba cu tabata grita pa atencion, incluyendo e infraestructura cu tabata deteriorando den tur area.

"Ora bo traha cu un team bo ta haci trabaonan grandi manera nos a bin ta haciendo. Nos tur hunto ta un team... Asina so bo por haci'e," Minister Ing. Mike de Meza a bisa, añadiendo palabranan di admiracion pa con bunita e edificio di Corte a keda.

Minister De Meza a splica, "Finanzas publico, tur hende sa, ta den un situacion fragil. Economia di mundo tin su im-

pacto severo riba Aruba, pero nos a bin ta ehecutando proyectonan na un manera balansa na mes momento. Nos a sa di stabilisa y trece bek confianza den economia di Aruba, na mes momento saneando e situacion di finanzas publico y drechando Aruba den su totalidad."

E ta bisto, Minister De Meza a observa, cu pueblo ta mira cu Aruba ta na un nivel otro cu e tabata, un nivel mucho mas halto cu e tabata ora Gabinete Mike Eman a drenta gobierno na 2009. Pueblo ta realisa esaki, ta bisando "bon trabao", pa cual gobierno ta contesta "ainda falta" y esaki ta algo cu nos comunidad ta compronde y sigur ta sinti e aprobacion y

confianza cu nan ta dunando e liderazgo actual.

"E ta un orguyo grandi ora bo por traha pa bo pais y bo ta mira cu e gran mayoria di e pueblo ta sostene e trabaonan cu a bin ta haci. E trabaonan ta echt pa pueblo, y e recompensa ta e aprecio di nos pueblo," Minister De Meza a expresa cu entusiasmo.

E titular di Finansa, Comunicacion, Utilidad y Energia a conclui bisando cu e meta ta pa pone cosnan riba un caminda stret, bin cu solucionnan structural pa problemanan cu structuralmente a existi pa hopi aña na Aruba y asina Gabinete Mike Eman ta cumpliendo cu e comunidad di Aruba.

PINOCCHIO
Kerkstraat #16 - Tel: 582-2266

Ta huur tur sorto di Dino Jump:

- casteel
- disney princes
- disney world
- race fun
- monster truck

Tambe nos ta huur tent, stoel y mesa pa tur bo celebracionnan

Kerkstraat 16 - Tel: 582-2266 - Cel: 564-1977

HITESS
HIGH TECHNOLOGY SALES & SERVICES N.V.
DUTCH CARIBBEAN

Special on Cables

Best Prices **IN STOCK**

XMVK 3x2.5 roll 100m	210,=*
YMVK 3x2.5 roll 100m	230,=*
YMVK 3x4 roll 100m	350,=*
Snoer 3x2.5 mm2 Wit roll 100m	235,=*

We have a wide variety of other cables on stock.
Come visit us to check our special prices.

* Cash price

Opening hours: Mon-Fri 8 am - 5:30 pm **NON STOP**
Sat 8:00 am - 12:00 pm

Arendstraat 124 • Tel: 588-5966 • www.hitess.com • info-aruba@hitess.com




Aruba Waterpark cu tremendo prijs pa relaha e vakantie aki



Si bo kier pasa un dia dushi, den presencia di bo famia, amigonan of colega nan, no tin un miho lugha cu Aruba

Waterpark na pia di nos bunita Hooiberg. Aruba Waterpark ta e parke acuatico di mas grandi na Aruba, cu nueve slides, kids

playground y nos famoso Goldmine Bucket, cu ta yena cu awa y basha cada 3 minuut. Un lugha rondona di mata den naturaleza, biento fresco, tranquilidad, special pa famianan cu ta traha henter siman. Aruba Waterpark su restaurant ta famoso pa su "barbecue platter" a la crioyo y mucho plato mas. Pa nos mucha nan nos tin nos famoso "kids platter" cu lo laga nan cu un smile ariba nan cara. Nos bar ta uno extenso den man di nos head bartender y semper simpatica "kylie". Bin gosa di nos cocktail nan manera, mamacita, pink lady, cascada y mucho mas. Aruba Waterpark ta na alcance di tur cartera na Aruba. Cu un cantidad grandi di nos dushi local nan cu ta bishita nos parke regularmente. Nos tin actividad pa turedad. Bo



kier hunga un wega di domino cu amigonan? Of bo kier hunga un bingo of wega di futbol? Tur esaki nos por ofrece bo. Of si bo ta bisa cu ta relax so bo kier relax? Tambe ta posibel, bin descansa bao di nos palapanan grandi y espacioso cu ta proteha bo di e solo cayente y dushi di Aruba. Pa nos temporada di vakantie nos tin un special pa tur mucha di scol y nos local pa awg. 5.00 pa entrada. Muchanan mester ta acompaña pa un adulto. Entrada pa adulto, awg.

20.00 so pa gosa full dia den nos parke. Nos ta ofrece paketenan pa full dia incluyendo cuminda y bebida pa awg. 65.00 pa persona. Asina ta bini un bini tur, no perde e chance di pasa un dushi vakantie relajante, rondona di awa y naturaleza na Aruba Waterpark. Nos team di empleado lo ricibi boso cu un smile caluroso y semper simpatico. Orario ta di 11 am pa 5 pm tur dia menos dialuna. Dialuna nos ta cera. Nos ta warda boso.





La Trattoria El Faro Blanco Restaurant
Situat right next to the California Lighthouse
Tel: 586-0786 | 586-0787

is looking for a
First Cook

REQUIREMENTS

- At least 3 years of experience in Italian Cuisine
- Have a Culinary Degree
- Certified and experience in HACCP and Quality Control Standards
- Strong Team player with the ability to produce perfect quality dishes
- Experience in a-la-minuta food preparation
- Willing to work flexible hours including split

All applicants please present your complete Curriculum Vitae and/or fill out our application form as soon as possible.

Email: faroblanco@setarnet.aw
La Trattoria El Faro Blanco Restaurant.

**INTRODUCING
SUMMER SWEET ICED TEA BEVERAGES
NEW STRAWBERRY LEMONADE FLAVOR!**

WILD BERRY SWEET ICED TEA
NATURAL SWEET ICED TEA
STRAWBERRY ICED TEA
STRAWBERRY LEMONADE

SIMPLE REFRESHMENT

GOOD TIMES MADE SWEETER
FROSTY WAFFLE CONES

Wendy's

FACEBOOK.COM/WENDYSARUBA

Celebrando Tradicion di Dera Gay

Clientenan di FAVI activo



CLIENTENAN di FAVI a celebra "Dera Gay" un tradicion cu FAVI tambe ta celebra tur aña. Diahuebs ultimo esaki no tabata un excepcion.

Durante e actividad aki FAVI a crea un ambiente pa asina e clientenan cu tin un limitacion

visual tambe porgosa: un ambiente yena cu musica crioyo bou di animacion di grupo musical di nos propio clientenan cu ta toca y canta.

Durante e mainta di FAVI-do, FAVI su actividad di obra di man

di tur diahuebs, clientenan a baila e baile di Dera Gay, a participa na competencia di come manera un gay of galiña y haci tambe competencia di actua y canta manera un Gay.

Tur cu tabata presente a pasa un

mainta dibertido. Bar y cushina tabata bon surti, un dushi chuculati pinda cu driguidek y cuki letter y un tremendo sopi di galiña cu pan bati a wordo sirbi.

Pa refresca e garganta un juice di tamarein bon friu a baha bon.

FAVI ta gradici tur persona cu di un of otro manera a haci cu e celebracion aki a bira un exito. FAVI kier a probecha e oportunidad aki pa recorda Aruba henter pa celebra nos tradicion nan na un manera responsabel pa nan no bai perdi.

Minister Otmar Oduber a reconoce futbolista Kendrick Dania di 26 aña

CONHUNTAMENTE cu Minister President Mike Eman y Minister Mike de Meza, Minister Otmar Oduber tabata orguyoso di por a entrega un reconocimiento na un hoben futbolista di 26 aña Kendrick Dania, kende a hinca un gol dramático empatando e wegá entre Britannia y Nacional, acompaña pa AVB cu a sa di traha duro pa eleva e nivel di futbol na Aruba. Esaki a keda demostra por medio di e talento di e hoben deportista aki. Manera Minister Oduber ta splica e tipo di exposicion cu e wegá aki a brinda Aruba ta uno impagabel. Prome cu a topa cu Kendrick

den sala di Consejo di Minister, e mandatario a logra pasa riba e diferente articulonan cu prensa internacional a saca basa riba e gol di e hoben futbolista aki. E team di Films cu a filma e wegá aki a contribui na e exposicion internacional di e wegá final di Division di Honor, unda cu Kendrick Dania cu ta keeper di Britannia a logra posicion su mes di tal forma dilanti e gol y haci uzo di e oportunidad pa a hinca un free kick. E exposicion cu Aruba a haya por medio di youtube como tambe articulonan de prensa deportivo internacional manera La Prensa, 101 Great Goals, Elf voetbal, Give Me Sporty Republica TV djs pa nombra un partabata gigantesco. Aruba a haya un mercadeo



inespera riba nivel internacional di un manera spontáneo y diferente. Mirando cu ESPN, un canal di deporte renombrá mundialmente, a pasa e tremendo hugada aki 2 biaha e siman aki y esaki a duna un exposure hopi grandi. Gobierno di Aruba ta admira

e tipo di esfuerzonan aki cu ta wordo haci no solamente dor di e artista hungado pero e artista cu ta Kendrick Dania. Pabien y danki na nomber di Gobierno di Aruba y Oficina di Turismo pa a contribui pa hiba Aruba su nomber dilanti den grandi.



Ling's Dinner Kit
Kraft Parmesan + Barilla Pasta + Prego Sauce
from 21.85 to
13.25



Macaroni Ham & Cheese
100g
from 1.85 to
1.65



Budweiser Beer
12oz
from 78.99 to
72.95



Beef Tenderloin
500g
from 23.25 to
19.50



Westland Gouda Mild
490g
from 16.50 to
9.99



Kashi Berry Blossoms
10.5oz
from 8.99 to
7.75



Grouper Fillet in Dill Sauce
100ct
from 2.95 to
2.75



Fresh Corn
1kg
from 4.95 to
3.95



Flipflop Wines
75cl
from 15.99 to
12.44



Leaner Liquor
75cl
from 19.99 to
9.99

TOP DEALS FROM ARUBA'S #1 SUPERMARKET

THE #1 SUPERMARKET IN ARUBA






Offer valid until June 30, 2013 or while supplies last. All prices are in Aruban florins

Tur mucha di scol preparatorio na Aruba a haya e buki "Episca di mas bunita"

DIALUNA awor ta e último bishita di "E Pisca mas bunita den Laman" na Cayena Kleuterschool. Y despues.....por bisa cu cada mucha di scolnan preparatorio a ricibi su buki "E pisca di mas bunita den lama". Un proyecto di UNOCA cu sosten completo di Minister Hooyboer Winklaar y coordina completo pa Fundacion Drumé Dushi. E forma cu a realisa e proyecto aki ta como lo siguiente: E cabesante a wordo informa adelanta di e dia cu lo bishita su scol. Y na yegada pa parti e bukinan e cabesante ta percura pa trece tur e muchanan hunto prome cu cuminsa. Un splicacion chikito y simpel prome di parti UNOCA y despues di Drumé Dushi ta tuma luga. Dia cu por a conta cu presencia di Minister tambe, Minister a lees voor pa e muchanan.

Despues cada mucha a ricibi den su man su buki. Den cua e por a skirbi su nomber y despues merdia bay cas cu e buki. Caranan hopi feliz so tabata e resultado na tur scol. Meta di e proyecto ta logra cu tur tur mucha di Scolnan Preparatorio tin sigur un propio buki na cas desde e dia cu a entrega e mucha su propio buki. Tambe a parti foyeto di Drumé Dushi cu mayornan por a yena y entrega bek si ta desea pa Drumé Dushi pasa lesa na cas cu un of mas yiu. Manera ya conoci Minister Hooyboer tambe ta un voluntario di Drumé Dushi y tambe ta bay cas pa lesa pa muchanan pa hopi tempo caba. Pabien Aruba, pabien nos muchanan di scolnan preparatorio! Y corda manera nos a palabra brasa, stima y sunchi "E pisca di mas bunita den lama" tur tur anochi

Centro di Bario Brazil cu celebracion Dia di Brazil



En conexion cu celebracion dia di brazil, Centro di bario Brazil a prepara un programa di actividad hopi special e aña aki atrobe Dia 29 di juni 8.00 pm Festival di cancionnan di nos mama di cultura Sra. Bernadina Growell (QEPD) y tata di cultura Sr. Padu Lampe . Dia 28 di juni 10.00 am pa 6.00 pm , dia familiar cu entre otro . koffie morgen.musica.show, Mens Erger Je Niet y diferente deporte Dia 3 di augustus 8.00 pm , reconoce nos baluarte di parokia di Brazil cu ta cantante di calypso, roadmarch y tuma (un total di 22 cantante). Cada cantante lo presenta un di nan cantica mas popular .E anochi ey varios rey y reina lo ta riba stage. Dia 24 di augustus e gran eleccion di mosa cultural cual aña aki lo wordo dedica na nos dushi Papiamento en conexion cu di 10 aña di existencia, 10 participante lo competi pa mosa

cultural cual ta planea pa cuminsa 8.00 pm. Dia prome (1) di September e grandioso parada cultural. St. Rosa un biaha mas ta di bishita den centro di bario Brazil cuminsando for di 9.00 am te cu 8.00 p y pa 4.30 pm lo cuminsa e grandioso parada encabesa pa nos mosa cultural 2013 den bario di Brazil ,ya caba nos tin varios grupo di mucha y hende grandi inscribi. Un invitacion special pa henter Aruba pa presencia e actividad nan aki y esunnan interesa pa participa den e parada por yama na centro di bario Brazil tell: 5846500 of Sr. Chico Harms cell : 5946862

Tur esaki ta pa nos recorda nos mama di cultura Sra. Bernadina Growell (QEPD)

Un dicho di nos mama di cultura Bernadina Growell , CULTURATARIKEZA YGRANDESA DINOS PAIS.

shaba
Car Accessories

Tanki Flip 119 Tel:5878888

Aruba's best and largest collection of automotive accessories

- * Alloy wheels
- * Led lights
- * Var.Sizes of Tires
- * Seat Covers
- * Sound and car stereos
- * Steering wheels / Tires
- * Sickers & Logo's
- * Car Accessories

Nos ta hende tires y tur accesorios pa auto!



Open: Mon – Sat from 9:00am – 1:00pm & 2:30pm – 7:00pm

E button cu por salva bo bida !! Sigura bo independencia!

Emergency call (SOS) function
with wireless remote control
Emergency message recording
2 one-touch speed dial buttons



Medical & Home Healthcare Services

Av. Milo Croes 52, Dakota - Aruba - Tel. 582.6651 - Fax 582.6567

www.labcomedical.com - labcolabcomed@hotmail.com

Recordatorio pa tur estudiante di Colegio EPI pa atende e 'Job & Internship Fair'

Colegio EPI ta recorda tur estudiante y graduado pa atende e mercado di trabou y stage cu lo tuma luga den Auditorium dialuna 24 di juni di 12or pa 3or di atardi. Durante e 'Job & Internship Fair' studiantenan lo haya e oportunidad pa solicita pa trabou y tambe pa busca un compania caminda nan por core stage durante e proximo aña escolar. Colegio EPI ta encurasha tur estudiante pa haci uzo di e oportunidad aki pa asina cuminsa network cu posibel futuro compania di stage of trabou. Companianan presente lo ta entre otro Ritz

Carlton, Marriott, Hyatt, Divi Resorts, Mc Donalds, ALBO, De Palm Tours, AIB, Delta Blue Electronics, Gandelman Jewelers, Croon Caribe y hopi mas. Durante e mesun dia tambe lo tin un Science Fair di studiantenan di e ultimo aña di Unir Ciencia & Tecnologia cu lo muestra nan diferente proyectonan. Lo tin varios premio pa e miho Science Project y tambe lo rifa algun premio bou di e bishitantenan di e Job & Internship Fair. Colegio EPI ta conta cu e bishita di su studiantenan na e prome Job & Internship Fair.

FORMACION SOCIAL



Un ley social cu ta yuda hobennan sin un futuro recobra esaki

Kico e ley Formacion Social ta encera?

Kico e ley Formacion Social ta encera?

E ley a ki ta encera cu hobennan masculino entre 18 pa 24 aña cu no tin trabou y no a caba un scol secundario ta haya un di dos chens den bida. Un trayecto unico ta wordo ofrece pa nan por drenta mercado laboral y bira miembran util den comunidad. Pa esaki e hobennan ta haya un formacion fisico estilo militar den MariniersKazerne pa despues sigui un curso cu ta wordo duna dor di Enseñansa pa Empleo. E formacion ta dura un aña

y ta consisti di dos parti, un parti di training y un parti di educacion.

E parti di training ta reparti den 16 siman. Despues di e periodo intensive aki e hobennan ta haya un evaluacion den e ultimo siman. Si nan a pasa esaki cu exito nan ta haya un certificado. For di aki ta sigui cu e di dos fase cu ta e cursonan na Enseñansa pa Empleo y ta sigui nan stage. Durante e periode di 8 luna aki e hobennan ta bay pa mantencion di nan training un bes pa siman na MariniersKazerne.

FASE 2

Formacion pa un Enseñansa

E diferente cursonan lo ta di nivel basico asina tur hoben tin chens pa caba e cursonan cu exito y pa asina despues nan tin miho oportunidad pa haya un trabou. E cursonan lo wordo duna en combinacion cu stage.

Formacion Social ta consisti di dos fase, e prome fase ta e formacion fisico estilo militar y e di dos fase ta e fase di enseñansa.

FASE 1

Formacion fisico estilo militar

Despues di e training militar e hoben mester por

1. Ehecuta formacion militar general
2. Domina formacion general
3. Ehecuta servicio di campo
4. Orienta y move riba tereno cu ayudo di mapa y compas
5. Ehecuta habilidadnan fisico
6. Aplica EHBO
7. Domina estudio di seguridad no arma
8. Duna ayudo ora esaki ta rekeri
9. Percura pa prevencion di candela

Puntonan di enfoke di e training militar

- Mi ta integro y ta trata tur hende cu respet
- Mi ta percura pa un ambiente di trabou na unda no tin peliger



Gobierno di Aruba



FORMACION SOCIAL

Un ley social cu ta yuda hobennan pa un bon futuro.

Pa ken?

Tur hobennan (masculino) di 18 pa 24 aña cu no tin un diploma di enseñansa secundario, no ta bayendo scol y no tin trabou.

Ki tempo?

Seleccion ta tuma lugar durante luna di juni 2013 y ta cuminsa cu training 19 di augustus 2013 na Mariniers Kazerne na Savaneta.

Con ta inscribi?

Interesadonan por pasa busca un formulario di inscripcion na Bestuurskantoor na recepcion, Hulpbestuurskantoor na San Nicolaas y Noord. E formulario mester wordo yena y entrega hunto cu un ID valido na Bestuurskantoor of na e hulpbestuurskantoor nan menciona. No lubida di bin cu un ID valido

Pa mas informacion por tuma contacto cu sra. Jessy Ras na 5225352 of sr. Omar Harms na 5284938. E proyecto Formacion Social ta un cooperacion entre Gobierno di Aruba y Hulanda.

Ministerio di Asuntonan General | L.G Smith Blvd. 76 | Oranjestad, Aruba

Aruba Flight Simulator Club un biaha mas ta organisa un Landing Challenge





Tel: 5821164
Cel: 5931189
Fax: 5880109
www.boutiquekeyla.com



Pa bay e fiesta di graduacion nos tin :

- Shimisnan elegante largo of cortico
- E regalo ideal ; sea bestir of blusa pa tur occasion, Carsonan Largo, Capri y tambe esnan di tur color.
- Tas y Accesorios di fantasia y plata
- No lubida riba nos LAYAWAY plan

Paradera 84 ~ Dialuna - Diasabra ~ 9am - 6:30pm  [facebook](https://www.facebook.com/boutiquekeyla)

ROBAN

CONSTRUCTION MATERIALS 'N MORE

Madiki 120 Schuins T/O CB Playa Pabao Tel: 5882436

Special

schrootjes

15% Discount

ENGRAVING (TROPHIES, AWARDS, PLAQUES, MEDALS) - RUBBER STAMPS



 **T:582-3792 F:583-3681 E:sales@masyfral.com**

Aruba Flight Simulator Club ta organisa su famoso Landing Challenge diasabra dia 22 di Juni 2013 entre 2:00pm cu 6:00pm di atardi na ATIA Building, Dakota. E interes ta hopi halto entre algun participante cu ya caba a inscribi y for di algun siman caba nan ta bezig ta train duro pa e competencia aki. E manera cu lo cualifica e puntuage ta door di un programa cu yama FSPassengers cu ta graba varios informacion di e vuelo incluyendo e "vertical landing speed".

Esaki lo conta den e standing final. E biaha aki e pilotonan lo mester haci 1 aterisaje cu e Boeing 737 di Tiara Air Aruba, cu posibilidad di bula mas di un biaha si pasa pa e siguiente round. Lo bay tin un maximo di 5 minuut pa completa e vuelo.



Na final lo entrega Trofeo na e ganadonan como tambe algun premio adicional. E cantidad di participantenan cu nos lo tuma e biaha aki ta limita, dus si bo persona ta interesa pa participa na e evento aki tuma contacto libremente cu Renier Flores na renierflores@hotmail.com. Nos kier a invita henter e pueblo di Aruba, specialmente tur esunnan cu ta interesa den Flight

Simulator y aviacion en general of cu kier presencia e competencia y alabes haya un miho idea di kico nos club ta encera pa pasa libremente diasabra dia 22 di Juni 2013 entre 2:00pm cu 6:00pm di atardi na ATIA Building, Dakota. Entrada lo ta completamente gratis. Pa mas informacion over di e evento y nos club por bishita nos website na: www.arubafsclub.com.

Homenahe na Sr. Sebastiano (Horacio) Franken

(Colega of raco)

HORACIO Franken ta un figura talentoso cu for di su hubentud te aworaki na edad di 72año tin un gran trayectoria musical. Un persona cu for di su 16 año, memey di añanan cuarenta, a cuminsa experimenta como tocado di cuero, specialisando riba bongo. Su maestro tabata Santo Pallim, un bongocero di Sint Maarten, cu a bai biba na Santo Domingo y cu Pantin Guerrero a trece Aruba pa toca den su conhuntito. E ta cord'e cu hopi admiracion, pasobra un di e sla nan cu el a siñ'e dal ta e seco, cu antes nan tabata yama "retaca" y awor nan ta yama "slap".

E hecho cu Horacio tabata practica carpinteria (drechamento y trahamento di boto) a dun'e e habilidad pa cuminsa experimenta cu trahamento di instrument di percusion mayor (bongo, conga of tumbadora y tambora) y di percusion menor (maraca y raspa), actividad cu te ainda e ta desplega. Su prome

instrument tabata un bongo cu el a traha na año 1946.

E prome conhuntito cu Horacio a toca bongo aden ta Conhunto Los Zorzales, den cual tambe tabata toca e.o. Arnulfo Steba (tata di Tirso, Oscar y Nufo Steba), Bernardino Ignacio (miho conoci como Ben Gutu) y Rudolf Ranes (miho conoci como Trabula of Triabulet).

Despues nan a lanta un Conhunto cu a haci sensacion den e epoca rond di año 1950, esta "Caribbean Boys", cu tabatin integrante hopi conoci aki na Aruba, na Antia y den Caribe.

Esunnan cu a lanta Caribbean Boys na año 1946 ta Oswaldo (Belly) Picus (fundador), trahado di hopi die instrumentnan cu e tocadonan tabata uza y e mes no tabata musico, Cecilio (Janchi) Tromp (manager y promotor), Edwin Zichem (cantante y director musical), Felipe (Mamondengue) Hoek

(cantante/bongocero), Lovell (trompetista), Harry Lake (trompetista), Sonny Yearwood (pianista) y Horacio Franken (bongocero). Despues Caribbean Boys a sigui cu otro integrante hopi conoci, entre otro Erwin Tuje hut (cantante/marakero), Janchi Werleman (trompetista) y Nuñez Dominicano. Nan tabata train den un cas bieu di palo den Companashi. Un persona cu a influencia Caribbean Boys masha hopi musicalmente tabata un tal Abel di Islariba Frances, un tresista kende a yega Aruba como naufrago.

Caribbean Boys tabata toca un repertorio Cubano: guaguancó, bolero y son montuno y nan conhuntonan modelo tabata Sonora Matancera, Jovenes del Cayo, Nelo Sosa y Arsenio Rodriguez y sus 7 Estrellas. Sin embargo den nan setnan musical nunca no tabata falta un tumba y un calypso.

Caribbean Boys a toca cu varios cantante y conhunto grandi cu a bini di exterior, manera Bienvenido Granda, Ninon Sevilla y Tongolele (gran rumbera) y hopi artista mas di fama mundial. Nan a cosecha masha hopi exito na Curaçao y Surinam tambe.

Despues cu Horacio a toca cu

Caribbean Boys, el a toca na Santo Domingo y Venezuela riba un base "freelance". Digno di mencion ta e hecho cu Conhunto Siboney, cu despues a bira Sonora Caracas a pidi pa integra nan, pero pa motibo familiar e no por a haci esey.

Ta bon pa trece dilanti akinan cu ya for di den añanan cuarenta tabatin concurso musical aki na Aruba. Un di e gran promotoran cu tabata organisa Concurso den Swingsters Square Garden na San Nicolas tabata Alfonso Fenton.

Na año 1949 Conhunto Imperial a gana e concurso tocando musica di Arsenio Rodriguez. Su integrantenan tabata Alfonso (Bulto) Gibbs (saxofonista/cantante), Julio Martilia (cantante), Alejandro (Bavian) Clarendia (marimba), Bibiano de Palm (tresista), Humberto de Palm (bongo), Armando Pourier (tumbadora), Alfredo Muller, Otto Arrindell, Lovell y Arnold Beyde (trompetistanan) y Angel Martilia (guitara). Pero na año 1950 Caribbean Boys a kita e titulo for di nan, tambe tocando musica di Arsenio Rodriguez. E otro conhuntonan cu tabata participa ta Havana Boys di Edmundo (Mundo) Kemp, Conhunto Rio Rita di Jan Vliet, cu despues a bira Juan Serrano na Hulanda y Conhunto Copacabana (un grupo di Mabon/

Brasil).

Riba e potret di recuerdo cu ta compaña e relato aki, nos por mira algun integrante di Caribbean Boys den su epoca estelar (di robes pa drechi): Maestro Emelindo Leonor (pianista), Frans van Cleef (bahista), Tirso Steba (cantante), Thomas van Cleef (kinterito), Juancho Kock (cantante), Horacio Franken (bongocero), Daniel Sneek (kitarista/tresista), Donny Pieters (trompetista), Oscar Steba (trompetista y director musical) y Pedro (Nolly) Dirks (gran marakero).

E homenahe na Horacio Franken tabata organisa di parti di Flor de Oriente di Sr. Pedro (Pepi) de Freitas y apoya pa tur su amigonan, kendenan ta desea Colega Raco hopi forza y salud den futuro pa e sigui toca y traha su instrumentnan. Cu e homenahe aki e grupo di Flor de Oriente ta birando un alternativa di loke nos instancianan oficial mester haci pa nos musiconan.

{E articulo aki ta redacta pa Ramon Todd Dandaré, cu colaboracion di Pedro Velásquez, a base di un relato di Adolfo (Dolfi) Maduro y informacion di Horacio Franken, Alfonso (Bulto) Gibbs, Nestor (Pantin) Guerrero, Ruben Picus y Juancho Kock}

"HappyGarden"



Arreglo di Fruta cu Chuculati!

Un Dushi Regalo pa comparti...

Awg. 95,-

¡SIEMPRE NOS PA FREE DELIVERY!

www.ArubaChocolate.com

TEL. 583-9479 / 593-7957

Dreaming of a vacation?



WELCOME TO Fabulous LAS VEGAS NEVADA



LAS VEGAS

OCTOBER 22 - 29 - 2013



fun miles
fun waits for you!

Tel: 582-1992



Rene Herde'

Campaña ta pa bisa kico ta bay haci, gobernacion ta pa cumpli

TIN menos di 100 dia pa eleccion, pero no pora tende mucho di loke partidonan ta propone pa haci si nan drenta gobierno, pa sigui fortifica nos economia, crea trabou y sigui mehora condicion di bida di pueblo. AVP si ya a laga sa, cu diferente desaroyo cu a cuminsa den e ultimo cuatro aña mester sigui, pasobra "ainda falta". Anda tin barionan pa drecha cu acera y luz. Anda tin hende pa haya trabou. Anda tin hopi pa mehora den enseñansa pa duna cada mucha oportunidad igual pa un estudio y profesion bunita. Anda tin struc-

turanan anticua den nos sistema social y aparato di gobierno pa drecha. Tambe AVP a laga sa cu den e simannan cu ta bin, e lo anuncia mas di e plannan cu lo propone na pueblo pa binidero cuatro aña di gobernacion di nos pais.

Priminti of propone

Diferente partido a bisa cu nan kier kita e belasting cu pensionadonan ta paga, pero ningun ta bisa con nan kier haci'e. Anda MEP debe Alex Tromp di AVP un contesta riba su pregunta pa nan bisa bon cla kico nan kier haci'e y con. E articulo di e partido MEP di e siman aki, ta

duna ehempel di algun grupo di pensionado cu ta gana mas cu e pensioen di biehes y ta paga belasting riba e parti aki so. Pero MEP no ta bisa con nan ta pensa pa elimina e belasting aki. Alex Tromp a splica cu gobierno di AVP si a hisa e nivel di entrada riba cu un pensionado tin cu cuminsa paga belasting. Esey ta un proposicion concreto cu ya ta wordo ehecuta y cu ta beneficia pensionadonan cu un entrada abou. E expertonan den tur e partidonan cu ta priminti cos aworaki, mester bisa pueblo con nan ta bay haci loke nan a priminti y mester

bisa esey awor aki!!!! Pasobra tempo di campaña no ta tempo pa promesanan faltu djs pa co'i voto. E ta tempo pa bisa pueblo kico bo ta bay haci y con bo ta bay haci'e. Den gobierno ta asunto di cumpli cu loke bo a bisa cu bo ta bay haci. Cumpli

Den e ultimo cuatro aña gobierno di partido AVP a mustra con ta cumpli cu loke ta propone den campaña. AVP a propone pa mehora e forsa di compra di esun cu entradanan mas abou y die gruponan cu a wordo neglisha pa ocho aña door di gobierno di MEP. Gobierno di AVP a cumpli cu pensionadonan, cu mamanan soltera, cu hende cu onderstaand, cu trahadonan den sector priva cu a keda atras, cu maestronan di

scol y empleadonan publico. Nan tur a wak mehoracion den nan forsa di compra, apesar di e crisis financiero y e caida grandi den entradanan di gobierno den e cuatro aña cu a pasa. Loke tabata tin a parti pa tur esun cu tabata tin mester haya. Na aña 2001 partido y gobierno di MEP a presenta un plan di prioridadnan di 10 punto. Ocho aña despues na 2009, mester a constata cu NI UN di e puntonan di urgencia di MEP a wordo

cumpli! Conclusion: MEP

no ta cumpli! Tene

cuidou cu loke

nan ta prim-

inti! AVP ta

propone,

ehecuta

y cumpli,

manera pa-

labra!



IT'S TIME FOR THE BOSS SALE!

BUY 1 ITEM AND GET THE SECOND ITEM AT 50% DISCOUNT*

BOSS

HUGO BOSS

Emmastraat 3 • Plaza Margareta • Phone 588-5406
Open Hours: Monday through Saturday: 9:30pm - 6:30pm

*Restrictions may apply.

CLEAN WITH STEAM

SC1052 KÄRCHER
STEAM CLEANER

OPTIONAL TEXTILE
CARE NOZZLE AVAILABLE

Clean your
floors, kitchen
& bathroom
without
chemicals

399,-



CARIBBEAN FASTENERS

ARUBA
582 8449
aruba@cfh-group.com

Price in AWS. Offer valid on Aruba, while stock lasts. B&B included.

Partido AVP

MEP no tin moral ni etica pa yena stoel di Mervin Wyatt Ras

Otro stoel cu lo a keda bashi den Parlamento

DESDE fundacion di partido MEP, nunca antes un lider di e partido aki, a uza tanto mentira y argumentonan fofo, pa trata di crea un opinion publico pa scapa cara di su partido. Ata otro ehempel aki.

Partido AVP cu gran asombro a tuma nota di un comunicado di "fraccion" di MEP, cu e peticion pa "a base di principionan di moralidad y etica", e entrega e asiento di Parlamento bek na e partido. Ta increibel cu net fraccion di MEP, cu nunca ta completo durante di reunionnan di Parlamento, ta pidi pa otro asiento, cu nan no por yena, ya cu nan no ta interesa pa sirbi interesnan di pueblo den sala di Parlamento. Nan ausencia continuo ta e prueba di esey. Si MEP kier papia di moralidad y etica, ta ki mishi e lider di e partido, Sra. Evelyn Wever-Croes, ta hunga como si fuera e tin un carta cu hopi firma di sostenedonan di Mervin Wyatt-Ras den su poder, mientras cu sinan pasa e por a mira e sostenedonan di Sra. Wyatt-Ras na gran cantidad, durante di su tremendo presentacion como flamante miembro nobo di partido AVP.

Midi cu dos midi

E lider di MEP ta midi cu dos midi. Net e kier papia di moralidad y etica, mientras cu su persona como lider di e fraccion geel, semper a core bandona Parlamento durante di reunionnan, caminda interesnan di pueblo ta wordo sirbi y atendi. Evelyn a faya cu principionan di moralidad y etica ora cu el a nenga di sostene e ley pa baha e pensioen di miembronan di Parlamento y Ministernan. E la prefera di bandona sala y no

regla un asunto cu no tabata husto compara cu e resto di pueblo di Aruba. Na cantidad di ocasion e stoelnan di miembronan di MEP den Parlamento ta bashi, bandona ya cu interes di pueblo no ta interes di e partido como tal no tin sentido pa lider di MEP exige un asiento cu e no por yena.

E cinco stoelnan cu e partido tin na e momento aki, nunca ta yena por completo. Al contrario ta a base di principio di moralidad y etica, lo tabata na su lugha pa e lider di MEP entrega su asiento na partido, nombra un persona di e partido cu si por atende tur reunion, cu si por sirbi interesnan di pueblo den Parlamento, na lugha di su persona kende semper tin otro cosnan pa haci, cu no ta cosnan di pueblo. E lider di MEP ta midi cu dos midi, ora e pidi pa Mervin Wyatt Ras entrega e asiento den parlamento, pero e no ta pidi Booshi Wever pa haci esey!

Ken ta representa pueblo?

AVP ta kere cu no ta bon pa e lider di MEP papia di cantidad di voto di Mervin Wyatt-Ras, ya cu entre sra Wyatt-Ras y Marisol Lopez-Tromp, kendenan a wordo expulsa di e partido pa motibo cu nan a sirbi principionan di moralidad y etica, tin mas voto hunto cu henter e delegacion di MEP cu tin den Parlamento na e momentonan aki. Esey ta sin conta e votonan di Booshi Wever acerca. AVP ta kere cu pa principionan di moralidad y etica politico, lo ta na su lugha pa lider di MEP atende otro asuntunan cu el a negligia cuater aña largo. Asuntunan cu ta regarda por ehempel, placa di pueblo cu ainda famia ta cobra y sirbi interes di pueblo den y pafo di Parlamento.

Parlamentario Desiree Croes

Cas di Aruba na Hulanda, Arubahuis, mester keda guia e hobennan estudiante

RONTO un grupo di mas cu 200 estudiante, un bes mas lo bay sigui estudio avansa na Hulanda. Un periodo nobo y interesante den bida di e hoben. Den e prome aña e estudiante mester ta prepara pa enfrenta hopi reto nobo; mayoria ta encera e despedida di e tempo di adolescencia, unda cu casi e hoben no tabata conoce mucho responsabilidad. Hopi ta wordo regla pa e hoben door di mayornan. Hopi bes sin cu e hoben ta realisa loke ta wordo regla pe. Sigur ora e hoben ta den exterior e mester cuminsa para riba su mesun pianan, y ta bin ripara ta cuanto cuestion sea administrativo, financiero of huridico ta existi y cu e mester atende. Pa e motibo ey ta importante pa e hoben haya un bon guia. No solamente aki na Aruba, cu consehonan di mayornan,

docentenan of di otro nan cu conoce e inn's and out's, pero tambe na Hulanda cu ta bay bira nan cas mientras nan ta studia. Ta sumamente importante pa e hoben sinti cu e tin un lugha pa bay cu su preguntanan of preocupacionnan.

Arubahuis pa e motibo ey mester keda duna e hoben estudiante e sosten y e guia necesario pa e por tin exito den su estudio. No ta facil pa na un edad asina hoben, leu for di famia y amigo, den un pais asina diferente na nos dushi isla, biba y enfoca riba estudio. Pa e motibo ey mes, den mi opinion, Arubahuis mester percura pa duna e miho servicio posibel na nos hobennan estudiante. Nos ta orguyoso di nan, nan ta nos tesoro di mas grandi, y ta nos responsabilidad pa percura cu nan ta bon atendi aya na tera friu.



Find us on
Facebook Like

www.facebook.com/AWEMainta

MESTER DI PLACA?

EMPEÑA Y CUMpra ORO




PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIERNA



ORANJESTAD WERFSTRAAT 7 LOK. 12 TEL 588 4141 ☎ SAN NICOLAS B. V/D VEEN ZEPPENFELDSTRAAT 14 TEL 584 4141

De Wit & Van Dorp Stores hunto cu Topcar y Kia Motors ta lansa campaña pa Back 2 School 2013

De Wit y Van Dorp Stores un biaha mas ta lansa su campaña pa Back to School. Conoci pa ta ofrece e seleccion mas grandi y varia pa loke ta temporada di Back to School, y su fabuloso 15% di descuento riba articulo escolar, De Wit & Van Dorp Stores e biaha aki a opta pa haci algo un tiki mas leuk y interactivo pa asina crea un ambiente di alegria no solamente den tienda pero tambe entre tur cu ta bishita e tiendanan. Un campaña cu ta focus riba nos hobennan y ta haci uzo di 'slang' cu ta expresa diferente sentimento of situacion cu nan ta haya nan mes aden.

A haci un seleccion di diferente palabra cu ta wordo uza y a converti esaki den un coleccion di boton unico. Segun Sr. Nico Luydens, manager di Van Dorp, Dakota cu cada compra di Afl. 25,- di Back to School, tur cliente lo ricibi un boton y nan poster pa pin tur boton riba djele. Si bo tin boton dobel, corda bo por intercambia esaki cu amigonan na scol, na cas of cu amigo riba Facebook. Tambe bo por haci bo mes amigo riba pagina di Facebook di DeWitVanDorp y puntra pa intercambia boton tambe. Manera un cliente cera tur 10 boton e por pasa na Aruba Post,

San Nicolas, De Wit den Caya Grandi of Van Dorp na Dakota y mustra bo coleccion pa asina bo haya bo ticket pa participa y gana un Laptop ultimo modelo. Pero esaki no ta tur, e aña aki Topcar N.V. y Kia Motors ta uni na e gran campaña di Back to

School y ta regala tur scol na Aruba e oportunidad di Gana un Biblioteca Escolar na balor di mas di Afl. 4,000 na buki. E scol ganado lo por haci su mesun seleccion di buki cual ta satisface su necesidad. De Wit & Van Dorp Stores y Topcar N.V. y Kia Motors ta invita tur scol pa pasa of yama na 582-3076 of manda un e-mail na nico.luydens@dewitvandorp.com pa asina haya mas informacion di e campaña y tambe con mester haci pa inscribi nan scol. Sr. Eddy Stenebome, General Manager di Topcar N.V., agente

exclusivo di KIA na Aruba ta orguyoso di por forma parti di un campaña cu ta apoya nos scolnan y ta contribui asina di un manera chikito na stimula un comunidad creativo. Riba potret di drechi pa robes: Sra. Lyanne Beaujon, General Manager di DeWit & VanDorp Stores, Sr. Nico Luydens, Manager Van Dorp, Sr. Eddy Stenebome-General Manager Topcar N.V. y Sra. Rita Ras, Manager di De Wit den Caya Grandi. Pa mas informacion over di campaña pa Back to School 2013 yama libremente na 582-3076.



Parlamentario Desiree G. Croes Deseo di exito y hopi sabiduria na tur hoben cu ta sigui studia

Despues cu examennan ta tras di lomba y resultadonan ta conoci, hopi hoben ta cuminsa prepara pa un otro fase den nan bida. E bida di estudiante di un estudio avansa na un Hogeschool of Universidad, na Aruba of den exterior, ta un siguiente paso pa bira un adulto bon prepara. Aunke cu e por ta un periodo dificil, cu hopi stress pa presta riba un nivel haltu, e ta tambe un periodo positivo di ampliacion di horizonte, di independencia

y di mas conocimiento. Mi ta felicita e hoben cu a logra su diploma, y dese'e hopi hopi exito y perseverancia den su estudio. Tambe mi ta duna pabien na mayornan pa e logro di nan yiu y gradici mayor y docente pa educa, sifia y guia e hoben riba e caminda di exito. Hobennan ta nos futuro y nos berdad. Hobennan miho prepara ta un miho futuro. Esaki ta nos responsabilidad y ta den bienestar di nos tur.

Fiesta di San Juan y Dera Gay na Centro di Bario Tanki Leendert

Dia 24 di juni Centro di Bario Tanki Leendert lo tene su tradicional fiesta di San Juan y Dera Gay. Cuminsando pa 6or di atardi, pueblo di Aruba ta keda cordialmente invita pa asisti na e celebracion cultural unico aki. Lo tin diferente competencianan cu premionan atractivo pa hende grandi y mucha, manera Baile di ban-

dera, Grito di Gay y Galiña, Baile di Pareha y e tradicional Baile di San Juan. Sigur lo tin un bar y cushina bon surti pa un y tur. Compañia nos, pa nos mustra con dushi e Cultura di Aruba ta! Ban engrandece y dune su balor. Nos ta spera di por conta cu boso presencia y boso aporte.

Recordatorio di La Salle College: Dialuna awor 24 di juni tin inscripcion pa Ciclo Basico 1

La Salle College kier recorda tur mayor cu a ricibi envelop y confirmacion cu nan yiu a wordo tuma na La Salle College, cu dialuna awor 24 di juni ta inscripcion. E inscrip-

cion ta di 8.30-10.30 or na La Salle College Playa. Percura pa bin cu e envelop cu bo yiu a haya na su scol basico completo. Sino tin tur documento, lo no por inscribi e yiu.

Enjoy our flavor!

CAFÉ PELE



Distributor
Huan Zhan Trading N.V.



E entrenador nobo di Paris Saint Germain lo ta e antiguo seleccionador frances Laurent Blanc, cu lo sustitui Carlo Ancelotti despues di e acuerdo yega

diabierna, segun BeIN Sport a informa. E anuncio a conoce despues cu e corant deportivo frances L'Equipe lo revela cu Jean-Pierre Bernes, e agente

di e entrenador di e campeon di liga frances na 2009, a reuni cu Leonardo diahuebs, director deportivo di e club di Paris.

E acuerdo revela pa e canal di television di e sheque propietario di e club, Nasser al-khelaifi, ta consisti cu Blanc lo tuma e team di e capital frances duran-

te e dos siguiente temporada. Di e manera aki ta haya caminda pa e actual entrenador, Carlo Ancelotti bay Real Madrid.

E siman aki mes tabata papia cu e entrenador italiano Fabio Capello, actual entrenador di Rusia, lo entrena PSG. Blanc, di 47 aña a anuncia un aña pasa cu lo bandona e banki di e seleccion frances despues di dos aña na cargo y despues di e eliminacion di Francia den cuarto di final di Eurocup, unda algun di e internacionalnan frances a protagonisa algun enfrentamento den e vestuario y cu prensa.

E seleccion a cumpli e obhetivo di clasifica Francia pa cuarto di final di Eurocup, fiha despues di e fracaso di e internacional frances den e Mundial na Sur Africa, unda a cay elimina den e fase di grupo y protagonisa un problema cu a costa e lugar di e entrenador e tempo ey, Raymond Domenech.

Celebrating our people



Jeffrey Braster, Assistant Manager at PwC Aruba, has successfully completed his Register Accountant (RA) studies.

Congratulations Jeffrey, we are proud to have you on our team!





Napa autoparts tin un gran surtido di Gearwrenches sae y metric. Napa handtools. Tambe hydraulic jacks den tur tipo, Boosterpacs pa start bo auto, batterchargers. Napa aircompressors y toolboxes di chiquito te grandi. Tambe Napa ta ofrece servicio di fabrica HYDRAULIC HOSES pa bo auto of equipo den diferente size.

Napa su stock di oilfilters, fuelfilter y airfilters tambe ta na bo ordo.

Cura Cabay 145 - Tel: 5845046 ** Sabana Blanco 70 - Tel: 5834363 ** Shaba 1 - Tel: 5870621



FIFA a bisa cu no tin pensa cancela Copa Confederacion debi na protesta violento cu ta pasando na Brasil. Cerca di un milyon di persona a sali riba caya den mas di 80 ciudad diahuebs anochi pa protesta contra gobierno, di cual a acusa di corrupcion, di no inverti den servicio publico y di prijsnan haltu. Polis a cuminsa tira gas y bala di rubber na Rio de Janeiro, unda mas di 300 mil persona a protesta na e ciudad unda diahuebs a hunga Spaña y Tahiti, y cu ta sede di e final di Confederacion dia 30 di juni. Pero FIFA a bisa cu Confederacion no ta na peligro. "Ni FIFA ni COL a discuti riba posibilidad di cancela e torneo cu ta sirbi como ensayo pa Mundial 2014", FIFA a indica den un comunicado. "Ni FIFA ni organisadornan local a papia di e posibilidad".

E protesta mas grandi a tuma lugar na Rio de Janeiro, unda mas di 300 mil persona a sali riba caya y tabata tira bala di rubber y gas. E protesta ta frecuente na Brasil, un pais di 190 milyon habitante, pero nunca a wak un manifestacion asina grandi y intenso manera esun di e siman nan aki. Nan a cuminsa como protesta

contra aumento den tarifa di bus y trein, pero tabata ampliando poco poco y awo tin tur tipo di denuncia. Den varios ocasion polis a lanta cu forza contra

nan y tabata tin hopi enfrentamento. Un di e keho mas comun ta pa e inversion di mil milyon dollar den stadion cu wowo pa Mundial y Weganan Olimpico di Rio de Janeiro 2016.





LeBron James y Dwyane Wade ta duna Miami Heat e titulo di campeon



LEBRON James y Miami Heat ta sigui na cabes di NBA. James a hiba Heat na su di dos titulo consecutivo na anota 37 punto y 12 rebounds pa un victoria diahuebs di 95-88 den un '7 game' tenso. Na gana e titulo cu mester pa valida su mihor temporada den historia di e franchise, y porta e sistema di tres superstar cu a uza pa construi e team. Heat a logra su di dos campeonato consecutivo den e prome final di NBA extendi r'e 7 wega desde 2010. "Tabata rekeri tur loke tabata tin como team", Dwyane Wade a bisa. "Mester duna credito na San Antonio Spurs; ta un team increibel, un franchise increibel. Esaki tabata e serie mas dificil cu tabata tin di hunga. Pero nos ta un team resistente y mester a hasi tur lo necesario". Dos anochi despues di un tremendo hugada cu a salba e di seis wega ora Heat tabata casi elimina, James a sigui su recorrido estelar den e mundo di basketball, cu dos titulo di NBA y medaya olimpico den e ultimo 12 luna.

Heat a bira den e prome team cu ta ripiti un campeonato den NBA desde Los Angeles Lakers na 2009-10, y e prome na gana Spurs den final di NBA. E hungadornan y entrenadornan tabata brasa mutuamente cu otro. E respet cu ambos team tin tabata evidente desde e prome wega di e final. E fanaticada tabata di pia, aplaudiendo y baila den e ultimo minuutnan. Heat a logra un ventaha di seis punto algun biaha den e ultimo periodo, pero Spurs tabata bolbe bek. Spurs tabata purba bira den e prome team na gana un 7 wega di un final como bishitante desde cu Washington a gana Seattle na 1978, pero gasolin a caba net prome cu final. Duncan a anota 24 punto y a logra 12 rebounds pa Spurs, pero a faya un tiro ora tabata falta 50 seconde di wega y su team tabata perdi pa dos punto. Despues James a anota cu un tiro di distancia largo di cual e score a bira 92-88 na favor di Miami, locual a obliga San Antonio na pidi un tempo afo mientras e cancion 'The Heat is On', di Glenn Frey. James a kita un bala y logra dos tiro liber pa duna un ventaha di seis punto pa su team. Despues di un intento faya di Ginobili. Tur cos a mustra cla caba pa Heat. Dwyane Wade a anota 23 punto y a logra 10 rebounds pa Heat, cu a logra pasa riba e pover actuacion sin punto di Chris Bosh na conta cu seis triple y 18 punto di Shane Battier. Heat y su entrenador Erik Spoelstra a recoge e trofeo Larry O'Brien un biaha mas for di man di e comisionado David Stern.

Juventus y AC Milan kier Carlos Tevez

E delantero argentino Carlos Tevez, actualmente den Manchester City, ta den e agenda di Juventus y AC Milan, cu ta buscando pa haya e hungador pa e siguiente temporada, segun La Gazzetta dello Sport. E corant a bisa cu e desafio pa logra e compra di e argentino ta den su punto di comienso, Juventus ta ofrece cerca di 10 miyon euro pa e hungador. E director deportivo di Juventus, Giuseppe

Marotta, lo bialha otro siman na Manchester cu su propuesta di 10 miyon di euro, pero e club ta pidi 15 miyon. Milan cu diferencia na Juventus, ta hopi limita den e parti economico y ta busca diferente alternativa pa conclui e operacion despues cu e tecnico nobo di Manchester City, Manuel Pellegrini, a nenga un intercambio entre Stephan El Shaarawy y Tevez.



ARUBA'S TOP 20



DIASABRA DIA 22 DI JUNI 2013

- 1/3 .. PORQUE TENGO GANAS – BANDA LIBRE
- 2/1... MITA ENAMORA – CECELITO Y JESSY COLINA
- 3/5.. CRAZY KIDS – KESHA – WILLIAM
- 4/7.. TORPEDO – JILLETTE JOHNSON
- 5/11.. VIVIR LA VIDA – MARC ANTHONY
- 6/2.. DETEN LA NOCHE – EZEQUIEL ANTHONY
- 7/13.. PISHE RUM UNDA BA BEBE-SHON NEL
- 8/4.. I COME IN PIECE – JOE COCKER
- 9/7.. ACEPTAMI – NSTYPLY
- 10/8.. SHE MAKES ME HAPPY – ROD STEWART
- 11/14.. NOT YET – JENN BOS
- 12/15.. P.O.D. - BEAUTIFUL
- 13/16.. HEARTS GO CRAZY -- PARACHUT
- 14/17.. YOU-- ROBIN STJERNBERG
- 15/18.. SEXY PEOPLE THE FIAT SONG- ARIANNA_FEAT._PITBULL
- 16/19.. COLOURS TO LIFE -- TEMPLEWS
- 17/20.. COLORS – DALE RYAN
- 18/-- BAN LEW - EAST SIDE RAPPERS
- 19/-- NOS NO TA UN CRIMINAL-JAIRO EVERTS - CEZAR
- 20/-- DIAMOND - DOLCE

**BROADCAST ON HIT 94 FM STEREO
SATURDAYS FROM 4.00 - 6.00 P.M.**

TalenInstituut



Vertaalburo Croes

Scol Di Idioma

e-mail: scolididioma@yahoo.com

CURSO INTENSIVO NATURALISACION

Cursonan anochi: 7 -8:30 (2 x siman)

HULANDES Naturalisacion & Training: start 22 juli

PAPIAMENTO Naturalis & Training: start 23 di juli

PAPIAMENTO: training pa examen so: 22 di juli

Cursonan mainta 2 x siman:

Hulandes: Diam & diah 9:30-10:30

Papiamento: 10:30 - 11:30 or

Prijs
special

Yama nos na: 5843768-6900169

Lugarnan ta yenando rapido.

Xpresa bo mes

Cambiando tas pisa di scol pa 'tablet'

Skirbi door di Robin-Ann Diddler

Como mayor y maestro di scol y awo directora adhunto ami por comparti e pensamiento cu e tas di scol ta hopi pisa. Si bo puntra e alumnonan cu diariamente ta bay scol cu un tas cu un averahe di 9 pa 10 buki pa dia, nan tambe lo pensa igual. Ta tempo pa nos tur pensa pa cambia e tas pisa di scol pa un 'tablet'. Desaroyo den tecnologia ta tumando luga dia pa dia mas rapido. Muchanan awendia ta bin scol cu telefon supermoderno, manera smartphones, I-pad, android djs pa menciona algun. Por hasta bisa cu e alumno ta casi mas 'up to date' cu nan propio maestro. Algun di nos conoce e tablet cu ta un computer mobil chikito su beneficiario. Por ehempel na Merca awendia scol basico ta haci uzo di tablet den klas cu of sin smartboards (digital whiteboards). Aruba como pais no por keda tras den e desaroyo aki. Den enseñansa e alumno ta central, pesey nos tin cu pensa con nos por stimula e alumnonan pa nan disfruta di enseñansa. Si bo puntra e alumnonan si nan lo beneficia di e cambio aki di cambia tas pisa pa tablet, nan ta bisa:

'SI' Kico ta e beneficiario pa uzo di un tablet? Awendia hopi alumno sa caba con pa traha cu un computer, un laptop of un I-pad. Un tablet por contribui entre otro na nan desaroyo profesional. Studentenan cu dislexia por haci bon uzo di un tablet. Tin biaha e alumno no ta comprende e materia cu e maestro ta splica ..., nan por google e experto (pa haya mas informacion) di e mesun materia mas miho. Un cos si mester tin ta registracion di e uzo riba internet. Tin softwear riba mercado cu e mayor por blokia e websitenan cu no tin norma ni balor. E ta encurasha huiswerk, e por kita e obstaculonan ora ta duna les y e bida di e maestro lo ta mas facil ..., e ora ey e maestro lo por diferencia mas miho den klas cu e alumno cu mester di extra atencion pa e les. Semper nos tin cu pensa riba un 'win-win situation'. Mi no ta bisa cu esaki lo ta e solucion di un parti di nos enseñansa, pero mi ta sigur cu e lo ta algo positivo pa nos tur den e futuro cercano.

Gobierno:

1. Ban pensa cu mi. Pa gobierno esaki lo nifica cu e gasto pa e

bukinan anual lo baha drasticamente. Pensa riba e mayornan cu tin un of mas yiu den Colegio Arubano y E.P.I. Nan gasto pa buki tambe lo baha. E bukinan pa e tipo di scolnan aki ta costa alrededor di Awg 1000,- pa 1500,- pa aña.

2. E prijs pa tablet riba mercado internacional ta varia entre \$150 pa \$500, depende di e cartera di e persona cu ta cumpr'e. Si introduci e tablet aki na scol, gobierno por subsidia esaki y baha gasto pa tur concerni.

3. Por inverti e resto di e placa den hisa cualidad di nos maestronan (bij- en nascholing).

E maestronan lo por sigui workshops con pa anda cu e cambionan den enseñansa (thinking digital minded). Lo tin mas placa pa material pa e alumnonan, manera e material practico cu hopi scol no tin of cu nan a haya mas

di 10 aña pasa. Material manera p.e. instrumento pa musica, material pa kimica y fisica y hopi cos mas cu ta contribui na e desaroyo di nos alumnonan. Laga nos no lubida e infraestructura di nos scolnan. Lubidando e drechamento y trahamento di



nos scolnan. Strategicamente e placa por wordo uza mas efectivo. Sector Privado:

1. Ban pensa cu mi. E sector priva tambe por beneficia. Corda riba tecnologia, riba mercado Arubano, ya tin algun negoshi cu ta bende tablet (android). Nos por stimula e desaroyo aki pa nos mercado chikito (small bussiness market). Kisas e ora ey nos mes por produci nos propio tablet. Mi ta sigur, lo tin ingenieronan cu a perde trabou na Valero cu por contribui nan inteligencia y conocimiento riba e parti electronico pa produci nos mes un tablet Arubano, cu por cierto por wordo yama ARUBA DUSHITERA. E studentenan di E.P.I di sector tecnologia tambe por duna nan granito ya cu nan sa di pensa Green. Mi no ta bisa cu nos mester competi cu mercado internacional, pero como un isla chikito nos por demostra cu

nos hubentud y nos expertonan tambe por.

2. Na Hulanda tin algun negoshi cu ta imprimi buki cu ya ta bende nan metodonan digital. E material digital aki ya ta riba mercado di companianan renombra.

Pa un suma mas abou cu e prijs di un buki gobierno por cumpra esaki. Mirando e desaroyo rapido den mundo, aki 5 pa 10 aña nos tambe tin cu bay e rumbo aki. Dicon no explora e posibilidad awor! Sector Ambiental:

1. Ban bo tambe pensa cu mi. Mi ta sigur cu nos por bisa nos futuro generacion cu nosa contribui na nos medioambiente door di traha (in)directamente riba un balans ecologico. Door di uza tablet, menos mata lo wordo destrui. E tablet ta 'eco-friendly' y nos lo uza menos papel y inkt pa copia y imprimi e bukinan.

Gobierno, sector priva y e directivanan di scol, ban pone hunto nos esfuerço pa logra e implementacion di tablet na scol. NO solamente na bienestar di e alumnonan cu nan mayor si por paga, pero pa tur nos alumnonan / studentenan en general y pa nan futuro. Laga nos tur ban traha hunto pa nos logre. Na final nos tur como un pais por bisa nos a forma 'five star students'.

RED den gobierno lo bin cu vakministers pa atende e situacion financiero precario di Aruba

Standard & Poor's a downgrade Aruba di A- pa BBB+. E downgrading mester tabata pio si

tuma na cuenta cu S&P a haya informacion erroneo, cu por ehempel cu ya na Aruba lo a hisa e edad di pensioen loke no ta berdad. Corsow a haya un miho rating, e a

mantene e A- pero a upgrade su outlook di negative pa stabiel. S&P ta menciona cu Corsow a conoce vakministers cu a tuma e decisionnan corecto y pesei Corsow a bai dilanti. E situacion di Aruba awor ta hopi mas pio cu esun di Corsow. Pesei RED un biaha mas ta propone na e votador cu RED lo bin cu vakministers. E diferencia e biaha aki ta cu nos no ta bai anuncia number prome cu eleccion. E idea di vakminister ya caba ta indica cu ta trata di the best of the best, esta no politiconan cu ta excelente profesional. A disidi den pasado cu esun cu subi lista di RED lo no kita su derecho di sirbi Aruba den


funcion di minister pero e ta keda politico. Un vakminister ta un profesional no politico pa maneha e situacion financiero desastroso cu Aruba ta den. Con Aruba a yega asina leu? Na Hulandes economia por keda tradusi cu huishoudkunde. E ta refleha hopi bon cu bo por compara presupuesto di un pais cu un presupuesto di un cas of famia. Antes den e curso di preparacion matrimonial tabata prepara parehanan hoben con pa presupuesto nan gastonan, esei ta parti di e 'huishouden'. Wel bo por bisa, simplificando e cifranan, cu e entrada di e cas Aruba ta 10 mil florin pa aña, cu e gasto pa aña ta 15 mil florin,

cu e debe riba creditcard ta 5 mil florin, cu e debe na banco ta 50 mil florin y cu e cas aki no ta corta ni un cen den su gastonan, y pa colmo mitad di e entrada di cas a cai afo na 2009 y e ta aumenta su gastonan. Ki futuro e cas aki lo tin? E lo bati bancarota un dia. Si den 25 aña e cas a acumula un debe di 50 mil florin, cada aña ta bin aserca un debe di 10 mil florin, y su entrada a bira 5 mil florin, y e no kier baha gasto, wel e cas aki tin un problema serio. Mas tristo ta cu e debe no ta pa motibo di proyectonan productivo cu despues lo produci placa, sino ta pa motibo di 'treat family and friends'.



Monica Kock, Presidente Fundacion Monumento Juancho Irausquin

JUANCHO IRAUSQUIN, POLITICO CU CAMBIA ARUBA PA SEMPER



DIA 20 di juni, nos ta recorda fecha di fayecimiento di e gran politico Juan E. (Juancho) Irausquin. Un dia den historia cu tabata un pagina scur pasobra e politico Juancho cu tabata hopi stima a bay laga su pueblo. E ta keda na nos pa recorda tur locual e la hasi pa nos pais y pueblo. Pa aprecia su sacrificionan y su determinacion pa traha pa un Aruba prospero cu un pueblo feliz. Vision. Juancho Irausquin tabata un pionero. Juancho a pone e fundeshi di nos economia ya laga un plan pa termino largo atras. Un economia cu a pone Aruba crese y bira mundialmente conoci pa su beachnan blanco pero mas importante pa e cordialidad di su hendenan. Un pais cu tabata florese na unda su pueblo tabata feliz. Dor di e vision di Juancho Irausquin nos pais a haya un economia fuerte pa nos por para riba nos mesun pia. Juancho Irausquin ta conoci pa ta e tata di turismo. Un persona cu vision cu a traha pa logra loke e kier pa su pais aunke hopi hende no tabata kere den esey.

E momento cu Juancho Irausquin a tuma e prome pasonan pa nos Industria di Turismo, su preocupacion tabata pa e trahadornan. Lago tabata layoff hende y su deseo tabata pa segura trabao pa e trahadornan dor di tin un otro pilar di economia. Na e momento ey na aña 1950 e la sigura trabao pa trahador. Pero tambe despues di su fayecimiento su vision y siguranza a salbuardia Aruba ora Lago a sera. Su vision pa wak pa mayan y pa e futuro di Aruba a pone cu nos a logra di pasa den e tempo duro ora Lago a sera. Ora Juancho Irausquin a drenta den gobierno na aña 1954 e la cuminsa mesora cu su planan pa traha un hotel, amplia WEB etc. Trahando duro, oras largo pa desaroya Aruba e momento ey. Pero Juancho Irausquin tabata un persona cu tabata wak pa e futuro tambe. Hunto cu su coleganan e a traha un plan di 10 anja. Un plan pa sigi desaroya Aruba y garantisa e economia y turismo di Aruba. E plan tabata riba 11 tereno y lo a costa 222 million florin. E plan complete a wordu entrega na februari 1962. Lastima cu e tempo no a dura hopi ya cu e la fayace 20 di juni 1962. Pero toch Aruba a logra di haña e frutonan di e vision di Juancho Irausquin cu e a laga un plan di trabao pa 10 aña atras. E plannan tabata encera: waf na Barcadera, Aeropuerto nobo, Aruba Caribbean Hotel (RadissonHotel), Hotelvakschool etc. Su logronan grandi a trese cu ne cu su partido P.P.A. a logra di haña 15 asiento. Un sosten di pueblo masal cu ningun otro partido por a logra te awe. Un logro politico masha grandi mes.

Parlamentario Clarisca Velasquez

Pos Chikito tambe a cuminsa haya iluminacion den bario

DIARANSON 19 juni habitante a tuma nota cu a cuminsa pone luz den bario di Pos Chikito unda ta scur anochi.

Habitantenan a conta cu tin caminda despues



di 27 aña a haya iluminacion den bario. E gobierno aki a bay inventarisa tur e aspecto di iluminacion den e barionan na Aruba y a dicidi cu tin cu haci algo riba e aspecto aki y pesey awe nos ta constata cu Elmar conhuntamente cu DTT ta haciendo un tremendo trabao den ehecuta e proyecto aki di pone luz LED den e barionan rond Aruba. Habitantenan di Pos Chikito ta contento cu iluminacion den bario unda ta scur y ta gradici gobierno cu e bon trabao cu aki di pone

luz tur caminda den e bario. A constata cu a cuminsa pone luz for di Telearuba bin ariba den e caya y camindanan cu no tin luz iluminando practicamente ful e bario. Esaki ta un forma di inverti den preveni criminalidad. Seguridad den bario ta hopi importante y esaki ta un forma pa sigura e bario door di pone luz.

Danki na gobierno cu a haci posibel cu despues di 27 aña ta haya luz den bario treciendo asina seguridad den bario! Pos Chikito a cuminsa haya luz y ta spera e otro partinan di Pos Chikito tambe haya luz den e transcurso di dianan cu ta

sigui! Pos Chikito parti pabou comienso di Pos Chikito ta practicamente ful na luz caba! Ta gradici gobierno y e depar-

tamentonan cu ta ehecuta e proyecto di ponemento di iluminacion di luznan LED den e barionan.

Parlamentario Clarisca Velasquez

Despues di hopi aña cu e gobierno anterior a

laga e parke di recreo na Mabon deteriora awe e ta completamente renoba

MUSTRANDO asina e contrast grandi entre un gobierno cu ta laga patrimonio di pueblo deteriora pa capricho perhudicando e bario di Mabon su muchanan y un gobierno cu tin oido y curason pa su pueblo inviertiendo mas di 300 mil florin pa asina renoba e parke di recreo di Mabon pa nos muchanan y nos hendenan di Mabon por haya nan lugá drecha bek pa recrea. E parke aki ta un joya di parke completamente renoba cu cancha grandi pa practica 3 deporte; zaalvoetbal, basketball y volleyball. E parke aki ta conta cu un instalacion completamente nobo cu seguridad y tranquilidad pa e usuarionan. Tambe e veld di softball y baseball a haya renovacion danki na nos minister di salud y deporte Dr. Richard Visser cu tin salud y deporte di nos hendenan na pecho! E parke aki ta conta cu un instalacion completamente nobo di coriente cu luznan di tecnologia 'green', esta Led pa iluminacion di calidad! Un inversion grandi na bienestar di nos hendenan di Noord Cura Cabay, Mabon y Brasil.

Awor e bario tin un parke di recreo completamente renoba pa nos hende grandi y nos muchanan por haci deporte y recrea. Ta gradici nos minister di salud y deporte Dr. Richard Visser y tambe nos gobierno pa renovacion di e parke di recreo y e veld di softball y baseball y pa nan vision cu ta trece felicidad y bienestar pa nos hendenan den barionan di Noord Cura Cabay, Mabon y Brasil.

AZZURRO NV

Ta Busca

BUSGIRL/ BUSBOY

Persona di contacto: Cristina Li
Of yama na telefon: 586-7495
Por haci cita entre 9:00am-12:00pm

Prome cu solicita of yama,
Mester pasa registra na DPL
Seroe Blanco #4,
Cu un cedula of papel di
Afl.5.00 di Registro Civil
Entre 7:30-11:00 mainta di
Dialuna pa Diabierna

JAY DI MATA N.V.

Ta Busca

1 GOUDSMID

TEL: 583-5676
L.G. SMITH BLVD #15 LOK. 1

Prome cu solicita of yama,
Mester pasa registra na DPL
Seroe Blanco #4,
Cu un cedula of papel di
Afl.5.00 di Registro Civil
Entre 7:30-11:00 mainta di
Dialuna pa Diabierna

HAARREKISHNA N.V.

Ta Busca

1 JUWELIER

TEL: 588-2906
L.G. SMITH BLVD #15

Prome cu solicita of yama,
Mester pasa registra na DPL
Seroe Blanco #4,
Cu un cedula of papel di
Afl.5.00 di Registro Civil
Entre 7:30-11:00 mainta di
Dialuna pa Diabierna

TWO CONTINENTS N.V.

Ta Busca

2 WATCH AND SALES REPAIR MAN

CAYA BETICO CROES 82-84
TEL: 583-5676

Prome cu solicita acudi na DPL
Entre 7:30-11:30 Dialuna pa
Diabierna
Cu un papel di censo Afl.5.00 y
cedula vigente

Baluart di Dakota: Cu un sonrisa grandi Cecilia Kock-Franken a ricibi su reconocimiento for di Prome Minister Mike Eman



Den e bario di Dakota e number di señora Veneranda Franken-Kock, mihor conoci como Cecilia ta resona cu hopi cariño. Prome Minister Mike Eman ta extende un palabra di respet enorme na un mama di 14 yiu, 13 na bida.

Señora Cecilia Kock, un señora masha amabel y caluroso, su

number di cariño ta 'mama' pa hopi bisña cu semper ta bon bini na su cas. Señora Cecilia a nace na 1924 y a bay Maria College y despues di klas 7 el a bay traha na 'Casa Matias', net pariba di Bata den Caya Grandi e tempo ey. Amor di su bida ta Francisco (Chico) Kock (q.e.p.d.), cu kende el a haya 14

yui y nan legacia ta 33 nieto, 28 bisanieto y 2 tataranieto.

Cecilia tin 66 aña bibando na Dakota, di locual 53 aña na Mangostastraat caminda ainda e ta biba cu hopi satisfaccion. Dakotero masha stima, cu cas semper habri pa tur bisña; pa duna un consejo positivo, scuchando y yudando su prohimo resolve



problema y respetando privacidad di cada un.

Cecilia ta bay haci 89 aña y tin hopi bon memoria di tempo cu e tabata biba na cuminsamento di Rondweg, cerca di unda antes Aruba Gas Supply tabata situa. Señora Cecilia a mira con Dakota a wordo construi, e mes ta un die prome 3 habitantenan di e bario.

Dakota ta resalta pa su tranquilidad, nan mes tabata organisa teamnan manera "Dakota p'ariba" y "Dakota p'abou" cu tabata hunga contra otro den forma amistoso. Cecilia ta corda tambe cu den Dakota tabatin un bisña cu un 'kota' cu tabata haci rol di referee; ora e muchanan ta hunga futbol riba caya, e kota ta nara wega y ora bala dreña net hasta ta canta goal!

Tempo cu e misa di Dakota ainda mester a wordo traha, señora Cecilia, kende ta un persona hopi religioso, a yuda realisa e proyecto aki. Mucho placa no tabatin y pa recauda fondo, Cecilia hunto cu un grupo di hende, a sera cabes y bin cu e idea di pasa n'e casnan di famia cu e imagen di Birgen di Fatima. Esun cu tabata kier

p'e imagen keda na su cas pa un cierto tempo tabata paga un contribucion chikito y e grupo tabata bin resa tambe na cas. Asina señora Cecilia a aporta na construccion di misa di Fatima. Diadomingo semper tabata un dia special pa Cecilia, el a sifia traha pan for di su casa Chico. Tur diadomingo tabata dia special pa traha pan y tambe tert. For di tur skina di Dakota e parokianonan tabata bin compra, otro tabata keda savoria su pan of tert cu un kopie koffie na cas di Cecilia mes. Diadomingo tabata transcuri den un forma masha ameno.

For di tur skina di Dakota, ora cu a cuminsa busca nombenan pa baluarte di e bario, Cecilia su number tabata resona. Ta hopi evidente cu e stimacion y e aprecio cu bisñanan tin pa Cecilia ta hopi grandi.

A toca Prome Minister Mike Eman e honor pa diahuebs mainta pa reconoce e bida y trabounan di Cecilia pa y na Dakota. Cu un brasa Prome Minister a felicita Cecilia entregando e un obsekio chikito, den forma di un plakaat na su number.

Departamento di Labor ta introduci un liña di informacion

Departamento di Labor y Investigacion ta introduci un "info-lijn" entrante diaranson 26 di juni 2013 na su oficina

principal na Oranjestad. Esaki ta specialmente pa tur informacion relaciona cu leynan laboral.

Number di e info-lijn lo ta 5823051, y lo atende especificamente preguntanan encuan to leynan laboral durante e orario

di 07:30 pa 12:00 AM y 01:00 pa 04:30 PM.

Durante e siman venidero Departamento di Labor y In-

vestigacion lo duna mas informacion tocante e proyecto via e medionan di comunicacion.

AZB

Seleccion ta cla



ARUBAANSE Zwembond tin e grato placer di presenta su ekipo di atleta di seleccion di landamento, cu lo biahá proximamente pa e Campeonato Centro Americano y del Caribe (CCCAN). Despues di nan tremendo prestacion na CARIFTA 2013, nos atletanan a sigui train duro durante full e temporada, pa enfrenta e miho landadonan di e paisnan den region Caribense y Centro Americano, incluyendo Venezuela, Colombia y Surinam. Un total di mas o menos 25 pais lo participa den e competencia aki, cu lo tuma luga na ciudad di San Jose, Costa Rica cuminsando 1 di juli te cu 5 di juli. E ekipo di seleccion di landamento di Aruba lo conta cu un grupo di 22 atleta bon prepara y cla pa duna un excelente prestacion, 18 di nan ta train na Aruba bou di guia di Headcoach Ismael Santiesteban y asistent coach Ynocente Chacon y 4 atleta Arubiano cu ta biba y train na Merca. Nan animo ta halto y pa nan ta un orguyo grandi di por representa nan pais Aruba, entre

band'i 300 atleta durante e campeonato grandi aki. Nos atletanan ta :

Categoria Mucha Muhe 11-12 : Keeley Maduro (Stingray Swimming), Flory Kock (Aruba Dolphins Swimming), Anahi Schreuders (Stingray Swimming) y Elisabeth Timmer (Aruba Dolphins Swimming).

Categoria Mucha Homber 11-12 : Brandon Cheong (Stingray Swimming) y Daniel Jacobs (Stingray Swimming).

Categoria Mucha Muhe 13-14 : Ginayla Arends (Stingray Swimming), Rebecca Maduro (Aruba Dolphins Swimming), Junice Martin (Aruba Dolphins Swimming), Andrea v/d Berg (Stingray Swimming), Lizanne Kelly (Stingray Swimming).

Categoria Mucha Homber 13-14: Mikel Schreuders (Stingray Swimming),

Tyreke Wernet (Aruba Dolphins Swimming), Joseph Winterdal (Stingray Swimming), Patrick Groters (Stingray Swimming), George den Dunnen (Aruba

Dolphins Swimming).

Categoria Mucha Muhe 15- 17 : Ally Ponson (Stingray Swimming), Gaby Ponson (Stingray Swimming), Daniella v/d Berg (Stingray Swimming).

Categoria Mucha Homber 15-17 : Jordy Groters (Stingray Swimming), Marc Willems (Aruba Dolphins Swimming).

Categoria Mucha Homber 18 & Up : Jemal LeGrand (Stingray Swimming).

E ekipo lo biahá cu 2 Coach, 2 Team Manager, 1 Team Leader y 2 Technical Oficial, cu lo asisti durante e campeonato. Tambe e biahá aki, danki na e tremendo apoyo y yudansa di CEMEDAR, nos atletanan lo por conta cu un masseur full time, cu ta di sumo importancia pa cu e bienestar fisico di nos atletanan durante e 4 dianan pisa di competencia. AZB ta desea tur nos atletanan, nan mayornan y ekipo completo hopi exito!

Super Food awor ta ofrece carni di marca **Certified Angus Beef**



E marca di carni Certified Angus Beef t'esun mas renombra na mundo y mas preferi cerca clientenan di carni premium. E ta mantene un standard hopi halto pa sabor, ternura y jugosidad. Angus ta un raza di baca cu por produci loke U.S. Department of Agriculture (USDA) ta categoriza como carni Prime, Choice y Select. Sinembargo, Certified Angus Beef ta cuminsa cu bacanan Angus cu mester pasa un prueba pisa di 10 diferente punto di

calidad p'asina garantiza un dushi sabor.

T'e calidad halto aki ta loke ta pone Certified Angus Beef den un categoria mas halto cu otro marcanan di carni Angus.

Expertonan independiente di USDA ta evalua e carni y ta dicidi ki carni ta di calidad suficiente halto pa por carga e marca, p'asina garantiza e calidad di berdad.

Ademas di esaki, e sistema unico di monitor e producto

for di momento cu e keda certifica pa USDA te ora cu e yega supermercado of restaurant tambe ta yuda garantiza e consumidor di un calidad incomparable.

Entrante e siman aki, supermercado Super Food a bira retailer oficial di e marca Certified Angus Beef. Esaki ta duna su clientenan cu ta gusta carni di calidad halto e opcion pa escoge for di un surtido amplio di cortenan di carni di un calidad inigualable.



Pa celebra e ocasion special aki, tur cliente cu cumpra carni di marca Certified Angus Beef na Super Food lo ricibi un cou-

pon pa yena y asina participa pa gana uno di dos Weber Barbecue Grill. E sorteo lo tuma lugar dia 31 di juli 2013.

Celebra Fiesta di San Juan y Dera Gay sin molester di candela

For di siglo 19 Aruba ta celebra Fiesta di San Juan y Dera Gay como un fiesta di cosecha. His-

toria ta conta entre otro cu dia 23 di juni e cunukero ta cende tur sobra di cosecha na candela

pa prepara pa un otro temporada di agricultura. E tradicion sinembargo a pasa pa dia 24 di juni anochi y hende ta cende tur obheto cu no tin uzo mas (sushi) na candela

E hecho cu awendia ta uza articulonnan manera tire, bateria, material di plastic etc. pa cende candela ta causa diferente molester pa e comunidad manera plama huma venenoso y di mal holo. Awendia e casnan ta construi hopi pega cu otro y e acumulacion di huma ta afecta salud di hende, bestia y nos medio ambiente.

Dia di 24 di juni, bombero sa sali pa combati un avarahe di 100 candela riba un solo dia. Esaki ta pone un presion enorme ariba e trabou di bombero como cu nan mester ta standby tambe pa otro posibel emergencia nan manera na Aeropuerto, Hospi-

tal, hotel etc. Polis tambe tin cu duna diferente asistencia y personal di hospital mester atende varios hende cu problema di halamento di rosea.

Un candela cu vlam grandi por causa kortsluiting y consecuentemente pega un luga na candela sea cu ta un cas, negoshi etc.

Turista cu ta bishita Aruba tambe ta experencia e gran cantidad di candela cu ta rondona nos isla como un molester y te hasta ta spanta, keriendo cu ta disturbio tin den nos pais. Candela ta hopi peligroso y ta consider'e un di emergencia nan di mas grave.

Ta p'esey cendemento di candela ta prohibi segun nos leyman. Cendemento di candela sin permiso por costa bo algun cien florin di boet y si esaki trece peliger pa propiedad, salud of

bida di hende, e por resulta den castigo di prizon severo (12, 15 y hasta 20 aña di castigo maximo di prizon). E por causa ruina financiero tanto pa esun cu su propiedad kima como esun cu kim'e y pa financia publico.

Ademas e huma ta malo pa entre otro esunnan cu ta sufrir di un malesa cronico manera asma, migraine, sinus, hooikoors etc. Cu consecuencia cu nan por haya complicacion.

E huma ta causa daño na pulmon di hende, pensa e.o. riba hende di edad avansa y baby.

Celebracion di un fiesta folklorico manera Dia di San Juan, Dera Gay, por ta hopi mas placentero si nos no uza articulo venenoso pa cende candela. Candela ta peligroso y malo pa nos medio ambiente y e huma ta afecta salud di hende.

Cu honda pena na nos curazon

"Pepi y Lucy De Freitas"

Ta anuncia fayecimento di nos Bon Amigo:



"Sebastiano Franken"

Mihor conoci como "Horacio/ Raco"

*21 Januari 1928 + 18 Juni 2013

Aruba a perde un Baluarte den Musica

Ex. Integrante di Caribbean Boys

Hopi forza na su famia den e tempo dificil aki y cu

"Horacio/ Raco" sosega na paz

Di "Pepi y Lucy De Freitas" y tur su amigonan di
"Flor di Oriente"

Campeon mundial di Drag cerca Presidente di Parlamento Paul Croes



DIABIerna mainta presidente di Parlamento di Aruba drs. Paul Croes tabatin e bishita di sr. Shane Key hunto cu su esposa cu a bin Aruba pasa algun dia despues cu nan a gana un trip pa Aruba den e final nan di 2012 IHRA Championship. E organisacion aki ta haciendo den cooperacion cu nos organisadonan local un tremendo trabou di promocion pa Aruba na Estados Unidos. E pareha procedente di Alabama e keda masha impresiona cu e bishita y sigur lo carga Aruba su nomber na unda cu nan bishita.

E Presidente di Parlamento a splica tambe un poco di e trabounan importante cu Aruba ta haciendo den diferente sector. Sr. Juancho Werleman y sr. Tito Tromp a compaña e pareha Key durante nan bishita na Parlamento. Sr. Croes a gradici sr. Werleman pa e esfuersonan cu nan ta haciendo y pa e promocion grandi cu nan ta aportando na dje, inter-

nacionalmente. Sigur ta algo di aprecia. E deporte aki ta hopi gusta rond di Aruba y tambe pa nos Presidente Paul Croes. Na final di e bishita sr.

Croes a regala e pareha un bandera (pin) di Aruba pa asina nan carga Aruba semper cerca di nan curason.

Pa medio di Subsidi Commissie Lotto ta patrocina campeonato nacional di Arubaanse Zwembond

E fin di siman di 7 te cu 9 di juni, AZB a tene su Campeonato Nacional di landamento, entre e tres clubnan; Aruba Dolphins Swimming Team, Swimming Team The Orcas y Stingray Swimming Team. Esaki ta un competencia anual y Lotto, e loteria di Aruba ta contribui cu e deporte aki, specialmente si mira e desaroyo di landamento ultimamente. E deporte di landamento ta uno masha gusta y practica na Aruba y tabatin alrededor di 130 landado entre e 3 clubnan. Bou auspicio di AZB y cumpliendo cu e reglanan internacional di FINA, e Campe-

onato Nacional a tuma luga den nos Piscina Olimpico na Savaneta. Despues di 4 sesion di competencia, diadomingo merdia a saca e top ganadonan di cada categoria pa pais Aruba, cu a ricibi nan famoso "High Point Trophy".
Categoria 8 y abou: femenino ta Gabriela Gordon y masculino ta Ronald Fun ambos di Aruba Dolphins.
Categoria 9-10: femenino ta Zoe Thode y masculino ta Jasper Timmer, ambos di Aruba Dolphins.
Categoria 11-12: femenino ta Keeley Maduro

y masculino ta Daniel Jacobs, ambos di Stingray Swimming.
Categoria 13-14: femenino ta Giaayla Arends y masculino ta Mikel Schreuders, ambos di Stingray Swimming.
Categoria 15-17: femenino ta Ally Poason y masculino ta Jordy Groters, ambos di Stingray Swimming.
Categoria 18 - 24: femenino ta Marelys Robbles de Medina di Aruba Dolphins y masculino ta Jemal le Graad di Stingray Swimming.
Na final di Campeonato Aruba, Aruba Dolphins ta keda na prome luga cu 269 medaya: 78 di oro - 115 di plata y 76 di brons. Stingray Swimming Team ta keda na di dos luga cu 247 medaya. 118 di oro - 63 di plata y 66 di brons y na di tres luga ta Swimming Team

The Orcas cu 10 medaya: 1 di oro - 1 di plata y 8 di brons.
Lotto, e loteria di Aruba ta felicita directiva completo di AZB, e atletanan, e clubnan y e mayornan cu e resultado di Campeonato Arubano 2013 y contento di tambe por forma parti di e famia grandi aki di landamento y exito di e atletanan.
Lotto, e loteria di Aruba tin 7 diferente wegá; Carochi, Big 4, Zodiac, Lotto di Dia, Lotto 5, Mini Mega y Wegá di Number Korsou. Cumprando Lotto bo ta contribui na deporte riba nos isla. Meta di e fundacion ta pa organisa loteria, cambia bida di su ganadonan y na mes momento inverti den deporte local pa medio di donacionnan na e comision di subsidio.



Biba cada momento

"The Lord is my shepherd; I shall not want.
He maketh me to lie down in green pastures.
He leadeth me beside the still waters."
Ps. 23:1,2

With deep sympathy we announce the death of:



Francisco D. Garlejo

Left to mourn are his:
wife: Noemi H. Garlejo
children: Clifford H. Garlejo,
Franklin H. Garlejo
Francis H. Garlejo
families: Garlejo, Haducana, Delinila
Hansel Pineda & family,
Manolo Fuentes & family,
Edmund Lagmay & family,
Teophine Atijera & family,
Maybel Arce & family,
Josephine Magalona & family

Marriott Collegues, The Filipino Community
Aruban and Colombian friends

The funeral will take place in the Philippines.

Condolence address: the Olive Tree Funeral Home - Cumana
Av. E.J. "Watty" Vos 44
Sunday, June 23, 2013 from 7 to 9 pm
Monday, June 24, 2013 from 7 to 9 pm

Bernhardstraat 134-136 - San Nicolas Tel 584 8888
theolivetreefuneralhome@gmail.com
www.theolivetreefuneralhome.com



Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

Lagrima y floran por seca su recuerdonan y tur loke e la hasi y
significa pa nos lo keda graba pa semper den nos mente y
curason.

"Cerca Dios mi alma ta na paz, ta di dj'E mi salvacion ta bini"
Salmo 62:1

Cu honda pena pero conforme cu boluntad di Dios
nos ta anuncia fayecimento di:



Rigoberto Antonio Abreu

* 27-05-1929 + 19-06-2013

Na number di:

Su yuinan: Mario y Lili Abreu-Tromp
Rivelino y Rosy Abreu-Vasco
Rhina y Rudy Jansen-Abreu
Anabella y Jerehm Campbell-Maduro

Mama di su yuinan: Vda. Rubia Lacle-Maduro

Nietonan: Rumi-Amir y Rakira
Ruchella
Jean-Paul y Jean-Eve
Euwart, Alayshka y Alyonah

Demas Famia: Abreu, Tromp, Vasco, Jansen, Maduro,
Campbell, Winterdal, Rodriguez.

Amigo y conocirnan

Ta invita tur amigo, conocirnan y demas famia, pa anochi di
condolencia cual lo tuma lugar Diasabra 22 di Juni 2013 na
Aurora Funeral Home, Cumana 76, di 7'or pa 9'odi anochi.

Nos kier a pidi nos disculpa si nos por a lubida un of otro famia
den nos tristesa.

Servicio pa Comunidad



Emergencia

Brandweer:	911
Polis:	100
Polis Oranjestad:	102
Polis San Nicolas:	104
Polis Santa Cruz:	105
Polis Shaba:	107
Polis TipLine:	11141

Ambulance San Nicolas:	584-5050
Ambulance Sasaki:	582-5573
Ambulance Wayaca:	582-1234

Hospital:	527-4000
Centro Medico San Nicolas:	524-8833
SVB (AO-Ziekmelding):	527-2782

Botica na warda

Pabou di Brug:

Serv. Noord N.V.

Pariba di Brug:

San Lucas N.V.

Dokter na warda

Pabou di Brug:

Dr. Thuis

Pariba di Brug:

Dr. Boderie

Servicionan

ELMAR Storingdienst:	523-7127
SETAR Storingdienst:	117
Digicel:	145
WEB Storingdienst:	525-4600
Reina Beatrix Int'l Airport:	524-2424
Serlimar:	584-5080
Arugas:	585-1198
Guarda Costa:	913

Funeraria

AD Patres:	5842299
Aurora:	5886699
The Olive Tree:	5820000

Fundacion

Rode Kruis Aruba	582-2219
FADA:	583-2999
Fundacion Respeta Mi:	582-4433
Fundacion Guia Mi:	587-1677
Muhe den Dificultad:	583-5400
Telefon pa Hubentud:	131
Centro Kibrahacha:	588-3131
Stichting Bloedbank:	587-0002
Mary Joan Foundation:	588-9999
Koningin Wilhelmina Fonds:	582-0412

Cas Editorial



The Media Group

Magrietstraat #3
Oranjestad, Aruba
Tel: 583-1400 fax: 583-1444

Orario oficina:

Dialuna pa diabierna
8am - 5pm

Cuenta di banco:

CMB #22982600

E-mail

Redaccion: noticia@awemainta.com
Aviso: aviso@awemainta.com

Abonament: Afl 25,- pa luna


Director:

Victor "Toko" Winklaar
Victor R. Winklaar

DRAGON CD & ELECTRONICS

Mainstreet San Nicolas Tel. 584-3999
open 9.00 - 13.00 and 14.30 - 18.30


Dragon specials



Samsung S2 tub p3113
Afl. 450.00



Blackberry Z10
Afl. 1400.00



Samsung S3 mini
Afl. 599.00

Accessories for: HTC Sensation XL, One X, Rhyme and Samsung S2, S3 and Note.
Also: Iphone 5, Iphone 4, Samsung S3, Samsung Note, Blackberry torch, bold2, bold 3,
9790, curve 9380, curve 9220, 9320 and more.

Hp Laptop 15.6" 4Gb 320Gb Harddisk. Afl. 900.00

Hp Ink cartridges, Universal laptop adapters etc..

ITunes gift cards \$ 10.00 and \$ 15.00 and Playstation Network cards.

Sales, repair and accessories for all blackberry models and other cellulars.

Unlock, reload, reset, upgrade, replace led, keypad, speaker etc.....

Simply The Best!
QUALITY & SERVICE

Kendall MOTOR OIL
ALL SIZE WIPER BLADES

TAXI SIGN
AWG. 35.00/30.00
AWG. 67.00/60.00

RED COOLANT GALLON

ACDelco BATTERIES

TRANSMISSION FLUID 2 STROKE OIL / MOTOR OIL

UNLIMITED PARTS & ENTERPRISES N.V.
MORGENSTER # 12 - B TEL: 583 1001



Celebrando
di existencia

KADASTER WALK

5km

Fecha: 29, Juni 2013
Saliendo for di oficina di kadaster pa Wayaca pa Primavera y bek na oficina di kadaster
Contribucion: 5 Florin
Orario: 5 pm, registracion 4 pm

Pa carchi tuma contact cu Sandra na telf. 5288364

Kadasterwalk cu un caminata di 5km

DEN cuadro di celebracion di 75 aña di existencia di Kadaster na november proximo, comision di personal di D.L.V. ta organisando un caminata di 5 km, ariba diasabra 29 juni 2013 cu lo start pa 5 or di atardi (registracion ta cuminsa for di 4 or).

E salida y final lo ta riba e parkeerplaats di Infra-gebouw (Kadaster) na Wayaca. Participacion ta solamente 5 florin pa persona y lo bay tin premionan pa grupo mas grandi, miho uniforme, mas alegre, etc.

Metanan di nos caminata ta pa conscientisa e comunidad di Aruba pa haci movicion pa su salud, brinda un actividad pa haci esey, recauda fondo pa por sigui organisa mas actividadnan tanto pa e personal como pa e comunidad

en general den cuadro di dicho celebracion y asina haci D.L.V. mas conoci tambe.

Ticketnan ta obtenibel tanto na balie di D.L.V. (Kadaster) como cerca tur miembro di personal di D.L.V. Tambe por haci entrega di carchi te na cas of trabao.

Nos ta invita tur amante di caminata y tambe tur persona cu kier cana pa su salud, pa bin participa y cana den e bunita bario di Primavera, Wayaca y Plantersrust.

Prome cu e caminata lo tin 15 min. di un zumba pa warm up. Pa mas informacion por tuma contacto cu Sandra de Cuba, na telf. 528 8364 of via e-mail: sandra.decuba@dlv.aw of Martin Ruiz na telf. 528 8384.

Resultado di Loteria

CATACHI 2:30 5258-1937-6135
9:00 9155-4154-3487

BIG 4 2:30 9143
9:00 9311

ZODIAC 2:30 5095 Libra
9:00 2987 Leo

LOTTO DIA 12-18-15-09-13

MEGA 30-15-06-14 MEGABALL 10

DIARIO 8225
SUPER FOUR 7927

LOTTO Cambiando bida

TIPO DI CAMBIO OFICIAL

Valido pa 20 Juni 2013

Placa Extranhero	Bank Papieren	Wisselen, Cheque Reis Cheque en Over Boekingen	Benta na Publico
US Dollar	1.77	1.78	1.80
CAN Dollar	1.70	1.72	1.74
Engelse Pond Sterling	2.69	2.74	2.80
Zwitserse Frank per CHF. 100	190.58	191.40	192.20
Ned.Ant. Gulden per ANG. 100	98.00	100.00 biljetten chq./overboeking	100.20 100.00
Japane yen per JPY. 10.000	180.24	181.88	183.71
Euro per XEU. 100	232.97	235.10	237.46



Provision di Devisa 1.3%
Segun articulo 12 di Alkondigingsblad di Aruba 1991 nr.GT 32.
Banco Central di Aruba ta defini e tipo di cambio oficial pa e cambianan di placa extranhero.

BANCO DI CARIBE

Labco MEDICAL / HOME HEALTHCARE

RENTAL/SALE of Medical & Home-Healthcare

- Wheelchairs
- Beds
- Walkers
- Bathchair
- Commodes
- Crutches / Canes
- Oxygen Concentrators/Cylinders

Difficulty Walking
Rent a portable electro scooter (Fits in all cars, trucks, 41lbs).

24 Hours Services!

Tel: 582-6651 Fergusonstraat #52, Dakota

Horoschoop



Aries 21 Mrt - 20 Apr

Tur decision cu bo tuma lo ta bon. Bo ta bay directo tras di bo curason y bo no ta teme pa adquiri responsabilidadnan nobo relaciona cu bo trabou o profesion.



Tauro 21 Apr - 20 Mei

Enfrenta inteligentemente bo problemanan. No pone bo en contra di nada. Tolerá cu pasenshi lo intolerabel y bo ta vence.



Geminis 21 Mei - 20 Jun

Controla bo temperamento y no rabia pa cos di kens. Desaroya mayor seguridad den tur loke bo ta haci y bisa. Enfrenta tur problema.



Cancer 21 Jun - 20 Jul

Bo ta sinti bo fuerte, madura y prepará pa tur cos. Bo cruz ta amor, pero bo tortura ta caba. Mostra mas atrevido.



Leo 21 Jul - 20 Aug

Tuma accion riba e personanan cu tin debe economico cu bo. Ta tempo pa nan paga bo loke nan debe bo. Bo estabilidad economico ta awor bo mayor prioridad.



Virgo 21 Aug - 20 Sep

Susesonan sorpresivo ta sacudi bo bida. No sigur nada ainda, no canta victoria. Biento di bon suerte ta cuminsa toca bo.



Libra 21 Sep - 20 Okt

Esnan cu bo ta stima, ta cu bo y na bo banda. Sabi di balora awor cosnan bon y malo cu ta sosode como lesnan grandi y balioso den bo bida.



Scorpio 21 Okt - 20 Nov

Lanta den realidad den loke bo bida sentimental ta referi. E persona cu ta na bo banda, ta tratando di yuda bo superá e limitacionnan cu ta permiti bo progresá.



Sagittario 21 Nov - 20 Dec

Permiti cu otronan ta yuda bo cu nan consehonan. No tuma decisionnan importante liher. Lo profesional y lo economico ta stabilisa.




Capricornio 21 Dec - 20 Jan

Bo ta expresa bo ideanan pa nan duna bo e mérito cu bo ta merecé. Bo ta avansa significativamente riba tereno profesional y sentimental.



Aquarius 21 Jan - 20 Feb

Bo ta reconocé cu bo a nace pa triunfa y bo no ta permiti cu nada ni ningun hende ta interponé den bo caminda di éxito y felicidad.





Piscis 21 Feb - 20 Mar

Bo ta den e mihor disposicion di trabou hunto cu bo famia sin cu bo ta wordo afectá emocionalmente o wordo manipulá. Laga un banda kreencianan bieu.

Haya bo corant tur dia den bo inbox

Registra Awo na

noticia@awemainta.com



"Blessed are they that mourn: for they shall be comforted",
Matthew 5:4

It is with great sadness that we announce the untimely death of

LEROY ERWIN MILLIARD

Sunrise Sunset
Aruba, 7 April 1957
St. Maarten, 14 June 2013



Left to mourn his loss:

Mother: Olive Milliard
Children: Shurman Milliard
Helery Milliard
Junior Milliard
Isbelia Milliard
Yessica Castillo-Milliard
Isabel Cabrera
Jose Cabrera
Nicole Castillo

Grandchildren: Adrimar Leroy Wolf
Sherman Garcia Milliard

Brothers: Clyde Milliard & family (Aruba)
Angel Milliard & family (Holland)
Luciano Milliard (Aruba)
Steve Duzanson & family
Henry Duzanson & family
Joel Arndell
St. Claire Chambers & family (Spain)
Harold Walters & family (Nevis)
Derek Walters & family (Nevis)
Frank Walters & family (USA)
Philemon Walters & family (USA)

Sisters: Janet Angel-Milliard & family (Curacao)
Angela Milliard (Aruba)
Sheryl Duzanson
Irona Arrindell & family
Doreen Thompson & family (Nevis)
Jocelyne Liburd & family (Nevis)
Sheryl Rawlins & family (St. Kitts)
Joan Glasford & family (USA)

Special sister-in-law: Olivia Milliard-Pompler and family (Aruba)

Aunts & Uncles: Elesteen Milliard & family (Holland)
Ferdinand Milliard & family (Curacao)
Cyril Milliard & family (Curacao)
Lionel Milliard & family (Aruba)

All his cousins, nieces and nephews

Former spouses: Judith Albertus,
Belgica Castillo

Old neighbors: Familles Martijn, Wilson, Phillips, Panthophlet,
Labasti, de Windt, Sommerville.

Close friends: Anita Martijn, Ramon "Bliengs" Wilson, Tony "Cow"
Arrindell, Paul "Chickenfoot" van Heynigen, Guy Viapree, Freddy
Molina, Carl Milton, Ricky Wilson, Carlos Muller, Elvis James and
many more too numerous to mention


Former colleagues: Tamarlijn, Manchebo, Concord & Cattle Baron.

Further related to: Dossett, James, Schmidt, Rojer, Garcia,
Lamarre, Angel, Van Zanten, Rivera, Mathew, Patrick in Aruba,
Curacao, St. Eustatius, St. Maarten, USA and The Netherlands

The funeral service will take place on Tuesday June 25, 2013 at the
San Nicolas Seventh-day Adventist Church (next to Valero
Essoville). The body will be laid out from 2 pm; the memorial
service will begin at 4 pm. The internment will take place at the
Central Cementary Sabana Basora.

Address for condolences: Nijhoffstraat 51

Bernhardstraat 134-136 - San Nicolas Tel 584 8888
theolivetreefuneralhome@gmail.com
www.theolivetreefuneralhome.com



"Cerca Dios so mi alma ta na paz,
ta di dj'E mi salbacion ta bini."
Salmo 62:1

Cu inmenso tristeza na nos curazon, pero conforme cu boluntad
di Dios nos ta anuncia cu a fayece inespera na Colombia



Sr. Adriaan Frederico Giel

22 September 1944 - 14 Juni 2013
Cariñosamente yama: "Papa, Welo of Opa", Tio Prins
Ex trahador di Hyatt Regency Hotel
Ex trahador di Tamarijn Beach Hotel

Na number di su:

Esposa: Ursulita Giel-Kelly

Yiunan: Jacqueline Giel y yiunan
Luthmilda Giel na Hulanda
Somaira y Roberto Cavinato na Italia
Kenrick y Ivonne Giel-Cornett

Mescos como mama: Francisca (Fanky) Kelly y famia

Mescos como yiu: Felix Florencio y famia

Nietanan: Crystal Giel
Cindy Giel
Keneysha Giel

Nietonan na Italia: Zeus Cavinato
Zion Cavinato

Rumannan: Edmond (Eddie) Giel y famia
Hubertus (Boy) Giel y famia
Irma y Jan Ten Have-Giel y famia

Sobrino y sobrinanan, primo y primanan, comer y compernan,
swa y cuñanan

Ihanan: Michelle Tham, Arthur Ruiz, Johnny Tromp, Luis
Alberto Kwidama, Sheila Carolina-St.Jago

Mihor amigonan: Hendrick Laclé, Herman Kelly, Edwin y Maria
Simileer, Oswin y demas amigo y amiganan

famia: Giel, Kelly, Cavinato, Cornett, Wever, Croes,
Wolff, Leest, Ridderstap, Ridderstaat, Vrolijk,
Ruiz, ten Have, Koolman, Florencio,
Tromp, Quandus, Geerman,
Werleman, Henriquez, Ras, Webb, Kwidama,
Tham, Maduro, St.Jago y

demas famia ta invita tur amigo, bisiña y conoci pa asisti na e acto
di entierro cual ta tuma lugar dialuna 24 juni 2013 pa 4'or di atardi
saliendo for di Misa San Francisco pa santana catolico den Caya
Ernesto Petronia. E resto mortal lo ta reposa for di 2'or di atardi
den Misa San Francisco na Playa.

Adres pa condolencia: the Olive Tree Funeral Home - Cumana
Diadomingo 23 juni 2013 di 7'or pa 9'or di anochi

Nos kier a pidi nos disculpa si nos por a lubida un of otro famia
den nos tristeza.

Bernhardstraat 134-136 - San Nicolas Tel 584 8888
theolivetreefuneralhome@gmail.com
www.theolivetreefuneralhome.com

Eweekend aki lo cera Schelpstraat y lo habri Havenstraat

DEPARTAMENTO di Obra Publico ta informa cu diadomingo awor 23 di juni lo cera Schelpstraat pa por haci algun trabou den e caya aki relaciona cu e proyecto di Renobacion di Caya Grandi. Schelpstraat lo ta cera pa tur trafico desde diadomingo

mainta 6.00or te cu diabierna 12 di juli 2013 pa 4.00or di atardi. Lo indica e ceramento cu borchí y heki di trafico.

Na mesun momento cu ta cera Schelpstraat lo habri Havenstraat atrobe. Ta haci un peticion na tur automobilista cu ta haci uzo di Havenstraat pa tene cuenta cu cierto trabounan lo continua riba e acera y pa e motibo aki ta pidi pa reduci e velocidad di e auto mas tanto posibel.

Departamento di Obra Publico ta pidi comprension y disculpa pa cualkier inconveniencia cu e trabounan por ocasiona.

AWEMainta
a court di Tokyo
Tel: 583-1400 Fax: 583-1444

Rosario Bibo dialuna 24 di juni na Alto Vista

DIALUNA 24 di juni, luna nobo, lo tin otro Rosario Bibo na Alto Vista. Na e ocasion aki lo gradici pa e aña escolar cu ta terminando. Especialmente pa tur mucha y hoben cu a cambia klas of cu a slaag. Pa esunnan cu no a logra pa un of otro motibo lo pidi guia y forsa pa e proximo aña escolar.

Lo pidi Birgen di Alto Vista, Patrona di Aruba pa acompaña tur e hobennan cu ta bay studia den exterior. Pa nan keda firme den nan fe y pa bou di tur circunstancia mantene contacto cu cas. Tambe lo resa pa tur esunnan cu ta bay traha pa prome bes, pa nan tin tur animo y perseverancia den un etapa nobo den nan bida.

Nos hobennan ta e futuro lidernan di nos pais, pesey ta importante pa nos duna nan bon ehempel y resa pa nan ta firme specialmente na momentonan di duda, pa nan no cay den un of mal bicio.

E Rosario Bibo ta cuminsa pa 7.30 di anochi na Alto Vista.

Aurora
Funeral Home

Cumana 76
Oranjestad, Aruba
Tel: 588-6699
Fax: 588-6698
Cel: 593-0857 / 560-1403

"Precious in the sight of the Lord is the death of his saints."
Psalm 116:15

Cu inmenso tristesa na nos curazon, nos ta participa fayecimento di

Romana Felecita Angela-Winterdaal

Cariñosamente yama Chita of Wela
28-02-1934 - 19-06-2013
Na number di:



Su casa:
Cornelis "Nis" Angela (ex B-28)

Su yuinan:
Robby Angela y Anita Croes y familia na Hulanda
Albert "Bob" Angela (B-19) y Edith Isabella y familia
Shirley Angela y familia na Hulanda
Johnny y Julieta Angela-Dirks y familia
Hubert "Ibi" y Jasmine "Jazz" Angela-Croes y familia
Norma "Jeany" y Rudolfo "Rudy"
Koolman-Angela y familia

Nieto y nietanan:
Gregory Angela, Bianca Ramirez, Darlisa Angela, Anastacia Angela,
Daniela Angela, Maria Jose Bruges, Marielba Bruges, Daisiree Dania,
Vanessa Dania, Johnny Angela, Jaisca Angela, Nathalie Bernabela,
Jeremy Bislik, Julaisca Rodriguez-Angela, Jais Angela, Jowell Bislik,
Joshua Helder, Jake Angela, Joanne Winklaar, Angelo Winklaar, Jeantalla
Winklaar, Richinel Koolman, Oscalina D'Isle

Bisnieto y bisnietanan:
Dwayne Angela, Dwayenne Angela, Gregory Angela, Emelin Angela,
Zoë, Marjelly, Ishware, Shirdaisha, Ajahya, Jahlan y Jahnessa Dania,
Demon, Shanna y Lishanna Angela, Jaydrick y Jurainy Winterdaal, Nigel
Trimon, Jedwin y Jeseiny Rodriguez, Jennely Winklaar, Igorson Ras,
Andyleen Everon, Xeannege Winklaar, Xionelly Winklaar, Jayrich
Koolman.

Su Rumannan:
Sra. viuda Olinda y + Luis Anthony-Winterdaal y familia, + Brigida y + Otis
Buddy-Winterdaal y familia, Ireno y Irma Winterdaal-Angela y familia
Nico y Aura Caraballo-Henriquez y familia, + Luisito Caraballo
Maria Luisa Caraballo, Chana y Norwin Wang- Caraballo y familia
Jenny y Tio Sherwood y familia, + Zacharia de Cuba y Reina Ras y familia
Betty y Cinthy de Cuba y familia, Thomas de Cuba y familia

Su swa y cuñanan:
Sra. viuda Theresita Medford-Angela y familia na St. Vincent Irma y Ireno
Winterdaal y familia, Sra. viuda Lidia Garcia-Angela y familia, + Matthias "Mai"
Angela y familia, Norma Angela y familia
Pedro Angela y familia, + Andres Angela, Elsa Angela y familia na Hulanda
+ Jais Angela, Olinda Schwengle-Angela y familia na Hulanda
Yolanda y Joseph Spellen-Angela y familia, + Rosimbo y Patsy Angela-
Slater y familia, Sra. viuda Rosilia Sutherland-Angela y familia na Hulanda

Su enfermera:
Sellenne Ramouthar-Rasmijn

Su sobrina y sobrinonan, prima y primonan, ihanan, comer y comper-
nan, bisnietanan, amigo y amiganan, conociman
Demas familia: Winterdaal, Angela, Croes, Dirks, Isabella, Koolman,
Dania, Ramirez, Bruges, Bernabela, Bislik, Trimon, Rodriguez, Helder,
Winklaar, D'Isle, Ras, Boekhoudt, Buddy, Caraballo, Wang, Sherwood,
Anthony, Henriquez, Colina, Ahlip, Lacle, Reed, v/d Berg, Winterdal,
Franken, Gomez, Ventura, Brito, Werleman, Paaterson, Rojas, Cardoze, de
Cuba, Dijkhoff, Paescg, Giel, Medford, Garcia, Schwengle, Spellen, Petit,
Slater, Hoek, Sutherland, Martina, Arends, Peterson, Chung, Paulina,
Morris, Coffee, Abraham, Gumbs, Wong, Richardson, Louis, Carlotte,
Kock, Bislik, Simmons, Krozendijk, Everon, Cuello, Dangon, Beltran, v/d
Biezen, Mendoza, Feliciano, Lopez, Wernet y Luidens

Ta invita pa e acto di entierro cu lo tuma lugar diamars 25 di juni 2013 na
misa Cristo Rey na Brazil di 1'or pa 3'or di atardi, despues saliendo pa
Santana central na Sabana Basora.

Adres pa condolencia: Aurora Funeral Home, dialuna 24 di juni di 7'or pa
9'or di mainta.

the Olive tree
Funeral Home

Biba cada momento

* Laga tur locual, cu ta sperami ta bunita,
Laga tur locual, cu mi encontra na caminda ta bunita,
Laga tur locual, cu ta rondonami ta bunita
Laga tur locual mi ta laga tras keda bunita
y laga esakinan termina den tur bunita. *

Cu honda pena pero conforme cu boluntad di Dios, nos ta
anuncia fayecimento inesperadamente di:



Adriana Eliza Maduro

Cariñosamente yama "Eli"
Na edad di 67 aña

Na number di su
Rumannan: Olga Maduro

Marcela (Rita) y Jossy de Cuba-Maduro
Marcelo (Alchi) y Rita Maduro-Gonzalez
Mercedes y Mario Semeleer-Maduro

Cuñanan: Vda. Sita Maduro-Wernet
Ana Kelly

Sobrina(o)nan: Remigio Maduro y Olivia Figaroa y familia
Magaly Maduro y Maikel Trott y familia
Marcelino Maduro y Filomena
Cristina y Sixto Vrolijk-Croes y familia
Jeanette de Cuba y Sergio Gomes y familia
Edmundo y Diza Maduro y familia
Sandy Maduro y Eugene Paesch y familia
Michel y Diana Maduro
Claudette Maduro y Robert Bennet y familia
Elton Semeleer
Marcia y John Florencio-Semeleer

Tantanen: Vda. Cheban Briezen-Lopez y familia
Vda. Elizabeth Croes-Maduro y familia

Primo y primanan, compañoeronan di S.A.B.A. SN y demas familia

Acto di entierro ta tuma lugar Diasabra 22 di Juni pa 11'or di
mainta saliendo for di Misa Sta. Theresita pa santana catolico na
San Nicolas. E resto mortal lo ta reposa for di 9'or di mainta den
Misa Sta. Theresita na San Nicolas.

Adres pa condolencia: The Olive Tree Funeral Home San Nicolas
Diabierna 21 di Juni di 7'or pa 9'or di anochi

Na lugar di flor of krans un donacion lo ta altamente aprecia. Lo
tin un box disponibel pa e bunita gesto aki.

Bernhardstraat 134-136 - San Nicolas Tel 584 8888
theolivetreefuneralhome@gmail.com
www.theolivetreefuneralhome.com

the Olive tree
Funeral Home

Biba cada momento

Sr. Victor Leurs y yunan kier a bisa:

Masha danki

Danki na tur cu a ofrece nos nan schouder pa nos apoya riba dje
durante



Alejandrina Maria Quandus

su enfermedad, morto y entierro.

Rumannan, sobrino/a nan, amigo/a nan, conociman, e bon
servicio di doktenan, verpleegsternan, ayudante y di The Olive
Tree Funeral Home.

Danki tambe na Pader Jan. Un danki na tur cu a yama, whatsapp,
msg, e-mail, manda telegram, manda flor of krans y condoleer via
facebook.

Alavez ta invita pa 3 Santo Sacrificio di misa na Misa Sta. Anna na
Noord

Diasabra 22 di Juni pa 7'or di anochi
Diadomingo 23 di Juni pa 6'or di atardi
Dialuna 24 di Juni pa 6:30 di atardi y despues pa un rosario na cas
Tanki Flip S-A

Bernhardstraat 134-136 - San Nicolas Tel 584 8888
theolivetreefuneralhome@gmail.com
www.theolivetreefuneralhome.com

Tur mucha di scol preparatorio na Aruba a haya e buki "Episca di mas bunita"



Dialuna awor ta e ultimo bishita di "E Pisca mas bunita den Lama" na Cayena Kleuterschool. Y despues.....por bisa cu cada

mucha di scolnan preparatorio a ricibi su buki "E pisca di mas bunita den lama". Un proyecto di UNOCA cu sosten completo

di Minister Hooyboer Winklaar y coordina completo pa Fundacion Drumi Dushi. E forma cu a realiza e proyecto aki ta

como lo siguiente: E cabesante a wordo informa adelanta di e dia cu lo bishita su scol. Y na yegada pa parti e bukinan e cabesante ta percura pa trece tur e muchanan hunto prome cu cuminsa.

Un splicacion chikito y simpel prome di parti UNOCA y despues di Drumi Dushi ta tuma luga. Dia cu por a conta cu presencia di Minister tambe, Minister a lees voor pa e muchanan. Despues cada mucha a ricibi den su man su buki. Den cua e por a skirbi su nomber y despues merdia bay cas cu e buki. Caranan hopi feliz so tabata e resultado na tur scol.

Meta di e proyecto ta logra cu tur tur mucha di Scolnan Preparatorio tin sigur un propio buki na cas desde e dia cu a entrega e mucha su propio buki. Tambe a parti foyeto di Drumi Dushi cu mayornan por a yena y entrega bek si ta desea pa Drumi Dushi pasa lesa na cas cu un of mas yiu. Manera ya conoci Minister Hooyboer tambe ta un boluntario di Drumi Dushi y tambe ta bay cas pa lesa pa muchanan pa hopi tempo caba. Pabien Aruba, pabien nos muchanan di scolnan preparatorio! Y corda manera nos a palabra brasa, stima y sunchi "E pisca di mas bunita den lama" tur tur anochi

Reconocimiento di Nuncio pa Sr. Richard Tromp

Monseñor Luis Antonio Secco, Obispo di Willemstad a otorga un certificado di reconocimiento di parti di nuncio monseñor Nicola Grasoli pa e cooperacion cu e haya durante su bishita na Aruba.

Sr. Richard Tromp a guia nuncio henter dia durante e bishita.

Esaki ta un muestra di aprecio

cu monseñor Nicola a duna no solamente na Sr. Richard pero tambe na henter e Departamento di Relacionnan Exterior. Tabata un momento emocionante ora cu monseñor Luis Antonio a entrega e certificado na Sr. Richard Tromp den presencia di Sr. Andy Lee, director di e departamento y tur e otro coleganan.

Un persona cu a traha duro tambe pa e bishita ta Sra. Gina Gnecco cu a percura pa tur e citanan a wordo regla cu Sr. Gobernador, Presidente di Parlamento y Ministranan. Un biaha mas Diocesis di Willemstad ta extende un palabra di gradicimento na e director y personal di Departamento di Relacionnan Exterior.

